

春
秋
集
傳

春秋集傳序

聖人之道猶日月之經天無人不知亦無人
不仰者也乃春秋自左氏公穀因事繫傳
後學者潛思精究漢唐宋元以來說者林
立往往互相援掣彼是而此非或反因讓以致
晦是道在迹而求諸迹也不甯惟是說易說

詩亦莫不然夫人生不過此日用倫常而已
聖人之意亦不過於使人明日用倫常而已
何有於艱澁隱微而用此條、為世門戶主而
奮爭之心起名之所至不惜詭辭曲說以求其
必勝馴至使後之人判文與行為兩塗而道愈
不明於天下說經者但勦襲傳會以欺一世而

盜虛聲人見其實之不足以為也於是反以
學為可笑而相戒置之於不顧嗚呼是誰之
過也先生此書集諸傳而折衷之隨時順理因
事處宜甯淺毋深甯直毋曲甯闕毋鑿自序
詳之矣至其筆之古取簡當有法令人一讀即
首肯心領又非後來說春秋者所能及是詎非

所謂無意於爲文而後乃成玉文者邪學苑
之榛蕪也久矣急科名者忘事功談經濟者
務時尚不知聖人之所以正人心者必自聖固有
而發明之尔詩不云乎民之秉彝好是懿德
因勢利導玉易耳金本逐末乃愈趨而愈
索經術不明之故也然則揭日月而昭倫常

舍先生此書吾誰其錄哉刻以成冊而引
之學者石震而詳味焉於聖人之道思過半
也已光緒乙未冬十月鄉後學吳引孫福茨
甫并書於四明權署之葵向齋

敘

春秋魯史也聖人脩之而孟子謂之曰作誠以大義微辭
聖人所獨斷而非徒記載之文也然謂魯史舊文而斟酌
其是非以垂後世之法聖人然也謂逐句逐字而改易增
損之以某字爲褒某字爲貶使後世之人多方以求合而
莫測其意之所存聖人當不盡然也竊謂魯史舊文亦非
漫無矩矱其間如內不書弑公出書孫之類皆舊史遺法
與晉乘楚書各異是爲周公之典故韓起來聘見魯易象
春秋而曰周禮盡在魯矣第二百四十二年之間史不一
手文有煩簡得失之殊於是仲尼脩之以復周公之舊其

有特筆斷自聖心則如春正書王河陽書狩桓正不王定
元無正稷成宋亂澶淵宋災故之類是爲直著譏貶大義
昭然無勞曲說也其餘則不過屬辭比事是非功罪按事
可考而勸懲已寓乎其中但於今舊史不存無從考據而
知其何者爲孔子之所筆削矣唯左氏記事詳明故讀經
必以左史爲案公穀二氏所述之事見聞異辭難足據矣
然左氏所斷之辭所發之例實多於理背謬確有不可從
者公穀辭義甚辨而各以其意揣度聖心則得之者半失
之者亦已過半矣迄漢唐宋諸儒迺各是其所是或援此
以擊彼或合異以爲同朱子謂聖人心事正大光明必不

如注疏家之穿鑿蘇氏謂諸儒說春秋多似舞文之獄吏
不有然哉程叔子傳胡氏多宗用之胡傳大義炳朗辭氣
昌明達駕漢唐諸儒之上而三傳得所折衷矣然立義時
或迂疏而辭旨每多煩複如元年而責以體元之義周正
而冠以夏令之時齊桓首倡伯業多爲曲護之辭魯桓兩
闕秋冬何與誅賞之柄衛伐無虧豈真忘德魯珍季子未
必能賢以常情待晉襄以王事責秦穆書法不太曲乎責
晉厲之不君於樂書無貶辭何辭不達意也是亦以胸有
成見加之附會而逐字求深過泥之故朱子亦時
於胡傳有不滿焉迄迺大全所載宋元諸儒議論亦多可

補胡氏之闕而要之各出意見得失相參在鄙意嘗思有所折衷而未敢率爾珥筆也然存心亦有年矣今

功令一遵胡氏治春秋者不敢少出己見又場屋命題多所忌諱迺記取冠冕數題略撮胡左大旨持以應試雖經文且不曾徧讀況胡傳乎夫經降而從傳傳降而爲時文時文又降而爲勦襲而尙詡然以經生自鳴也不亦羞乎予甚憫焉謂欲以發明經意自當求之於經通經以傳爲階自當博綜於傳傳之立義各殊自當折衷於一一無可執斷之以理理無常是衡之以中中無定體參之以時時有不同案之於事聖人之道時中而已隨事順理因時處

宜春秋筆削不以是乎是以敢斟酌四傳而去取之時或
斷以己意甯淺而毋深甯直而無曲序事必綜本末論事
必於周詳有疑則甯闕毋敢鑿也其所取用不過數家足
以發明經義而止餘俱從略不欲其煩匪矜博故也明初
始定科場功令春秋四傳並用成祖而後乃獨用胡傳然
迄今命題亦未嘗不兼主左氏則合四傳而斟酌焉於
功令似亦無所背抑紱之輯是書要非爲場屋命題使士
子作時文故也但春秋爲朱子所難言予小子何堪僭妄
然朱子於春秋旣未遑及則繼朱子者尤不可以無人茲
所去取實一宗朱子之意紫陽可興當亦不予過譏則揆

之孔子之意或亦不相抵牾也朱子作易本義祇以易爲卜筮之書愚於詩經詮義之著也亦祇欲人以作詩之法讀詩今之於春秋也亦然人之讀春秋者其卽以讀史之法讀之焉沈潛而反覆之以論其世鑑空衡平將聖人筆削之深心時或遇之自可以無事深求也矣時

乾隆乙丑仲秋朔旦婺源汪紱自敘

春秋集傳目錄

烏程盧葆辰子純

同邑程夢元貽園

婺源汪

紘雙池纂

後學宿松徐

曾皖樵同校字

同邑余家鼎彝伯

同邑戴彭景筠

卷之首

序文

綱領

總論

列國編年總譜

諸國興廢

災變總說

列國分壤圖說

紀時總說

春王正月考異

卷之一

隱公

卷之二

桓公

卷之三

莊公上

卷之四

莊公下

卷之五

閔公

卷之六

僖公上

卷之七

僖公下

卷之八

文公

卷之九

宣公

卷之十

成公

卷之十一

襄公上

卷之十二

襄公下

卷之十三

昭公上

卷之十四

昭公下

卷之十五

定公

卷之十六

哀公

卷之末

哀公 附左

後學 仁和汪鳴皋蘭生 校刊
青陽鮑瑞華吉甫

漢何休注公羊傳序

昔者孔子有云吾志在春秋行在孝經此二學者聖人之極致治世之要務也傳春秋者非一本據亂而作其中多非常異義可怪之論說者疑惑至有倍經任意反傳違戾者其勢雖問不得不廣是以講誦師言至於百萬猶有不解時加讓嘲辭援引他經失其句讀以無爲有甚可閤笑者不可勝記也是以治古學貴文章者謂之俗儒至使賈逵緣隙奮筆以爲公羊可奪左氏可興恨先師觀聽不決多隨二創此世之餘事斯豈非守文持論敗績失據之過哉余竊悲之久矣往者略依胡毋生條例多得其正故遂

隱括使就繩墨焉

按公羊學最先出漢儒傳之者眾而濡習者久故何邵公墨守公羊而膏肓左氏爲說如此亦偏私之見矣然治古學貴文章者謂之俗儒此語於後世尤爲箴砭至言而其文亦古朴簡奧於公羊氏亦相稱也

晉杜預注左氏傳序

春秋者魯史記之名也記事者以事繫日以日繫月以月繫時以時繫年所以紀遠近別同異也故史之所記必表年以首事年有四時故錯舉以爲所記之名也周禮有史官掌邦國四方之事達四方之志諸侯亦各有國史大事書之於策小事簡牘而已孟子曰楚謂之檮杌晉謂之乘而魯謂之春秋其實一也韓宣子適魯見易象與魯春秋曰周禮盡在魯矣吾乃今知周公之德與周之所以王韓子所見蓋周之舊典禮經也周德旣衰官失其守上之人不能使春秋昭明赴告策書諸所記注多違舊章仲尼因

魯史策書成文考其真僞而志其典禮上以遵周公之遺制下以明將來之法其教之所存文之所害則刊而正之以示勸戒其餘則皆卽用舊史史有文質辭有詳略不必改也故傳曰其善志又曰非聖人孰能修之蓋周公之志仲尼從而明之左丘明受經於仲尼以爲經者不刊之書也故傳或先經以始事或後經以終義或依經以辯理或錯經以合異隨義而發其例之所重舊史遺文略不盡舉非聖人所修之要故也身爲國史躬覽載籍必廣記而備言之其文緩其旨遠將令學者原始要終尋其枝葉究其所窮優而柔之使自求之鑒而飫之使自趨之若江海之

浸膏澤之潤渙然冰釋怡然理順然後爲得也其發凡以
言例皆經國之常制周公之垂法史書之舊章仲尼從而
修之以成一經之通體其微顯闡幽裁成義類者皆據舊
例而發義指行事以正褒貶諸稱書不書先書故書不言
不稱書曰之類皆所以起新舊發大義謂之變例然亦有
史所不書卽以爲義者此蓋春秋新意故傳不言凡曲而
暢之也其經無義例因行事而言則傳直言其歸趣而已
非例也故發傳之體有三而爲例之情有五一曰微而顯
文見於此而起義在彼稱族尊君命舍族尊夫人梁亡城
緣陵之類是也二曰志而晦約言示制推以知例參會不

地與謀曰及之類是也三曰婉而成章曲從義訓以示大順諸所諱辟璧假許田之類是也四曰盡而不汙直書其事具文見意丹楹刻桷天王求車齊桓獻捷之類是也五曰懲惡而勸善求名而亡欲蓋而章書齊豹盜三叛人名之類是也推此五體以尋經傳觸類而長之附於二百四十二年行事王道之正人倫之紀備矣或曰春秋以錯文見義若如所論則經當有事同文異而無其義也先儒所傳皆不其然答曰春秋雖以一字爲褒貶然皆須數句以成言非如八卦之爻可錯綜爲六十四也固當依傳以爲斷古今言左氏春秋者多矣今其遺文可見者十數家大

體轉相祖述進不成爲錯綜經文以盡其變退不守丘明之傳於丘明之傳有所不通皆沒而不說而更庸引公羊穀梁適足自亂預今所以爲異專修丘明之傳以釋經經之條貫必出於傳傳之義例總歸諸凡推變例以正褒貶簡二傳而去異端蓋丘明之志也其有疑錯則備論而闕之以俟後賢然劉子駿創通大義賈景伯父子許惠卿皆先儒之美者也未有穎子嚴者雖淺近亦復名家故特舉劉賈許穎之違以見同異分經之年與傳之年相附比其義類各隨而解之名曰經傳集解又別集諸例及地名譜第歷數相與爲部凡四十部十五卷皆顯其異同從而釋

之名曰釋例將令學者觀其所聚異同之說釋例詳之也
或曰春秋之作左傳及穀梁無明文說者以爲仲尼自衛
反魯修春秋立素王巨明爲素臣言公羊者亦云黜周而
王魯危行言孫以辟當時之害故微其文隱其義公羊經
止獲麟而左氏經終孔丘卒敢問所安答曰異乎余所聞
仲尼曰文王旣没文不在茲乎此制作之本意也歎曰鳳
鳥不至河不出圖吾已矣夫蓋傷時王之政也麟鳳五靈
王者之嘉瑞也今麟出非其時虛其應而失其歸此聖人
所以爲感也絕筆於獲麟之一句者所感而起固所以爲
終也曰然則春秋何始於魯隱公答曰周平王東周之始

王也隱公讓國之賢君也考乎其時則相接言乎其位則
列國本乎其始則周公之祚膺也若平王能祈天永命紹
開中興隱公能宏宣祖業光啓王室則西周之美可尋文
武之迹不墜是故因其歷數附其行事采周之舊以會成
王義垂法將來所書之王卽平王也所用之歷卽周正也
所稱之公卽隱公也安在其黜周而王魯乎子曰如有用
我者我其爲東周乎此其義也若夫制作之文所以彰往
考來情見乎辭言高則旨遠辭約則義微此理之常非隱
之也聖人包周身之防旣作之後方復隱諱以辟患非所
聞也子路欲使門人爲臣孔子以爲欺天而云仲尼素王

臣明素臣又非通論也先儒以爲制作三年文成致麟既已妖妄又引經以至仲尼卒亦又近誣據公羊經止獲麟而左氏小邾射不在三叛之數故余以爲感麟而作作起獲麟則文止於所起爲得其實至於反映掩面稱吾道窮亦無取焉

杜預此序看左傳甚得要領最可喜者是優而柔之數語深得讀書之法朱子曰周禮外史達四方之志苟非國各有史外史焉得而周知四方之事又曰周禮二十五家爲閭尙有閭史則國之有史可知杜序首段不可易也其論左傳一段亦至明允惟稱族尊君命舍族尊夫人此左氏之說恐未可據所謂感麟而作故文止於所起雖則杜氏之見在司馬遷爲說已然然亦未確也

晉范甯注穀梁傳序

昔周道衰陵乾綱絕紐禮壞樂崩彝倫攸斁弑逆篡盜者
國有淫縱破義者比肩是以妖災因釁而作民俗染化而
遷陰陽爲之愆度七曜爲之盈縮川岳爲之崩竭鬼神爲
之疵癘故父子之恩缺則小弁之刺作君臣之禮廢則桑
扈之諷興夫婦之道絕則谷風之篇奏骨肉之親離則角
弓之怨彰君子之路塞則白駒之詩賦天垂象見吉凶聖
作訓紀成敗欲人君戒慎厥行增脩德政蓋誨爾諄諄聽
我藐藐履霜堅冰所由者漸四夷交侵華戎同貫幽王以
暴虐見禍平王以微弱東遷征伐不由天子之命號令出

自權臣之門故兩觀表而臣禮亡朱干設而君權喪下陵上替僭迫理極天下蕩蕩王道盡矣孔子觀滄海之橫流迺喟然而歎曰文王既沒文不在茲乎言文王之道喪興之者在已於是就太師而正雅頌因魯史而脩春秋列黍離於國風齊王德於邦國所以明其不能復雅政化不足以被羣后也於是則接乎隱公故因茲以託始該二儀之化育贊人道之幽變舉得失以彰黜陟明成敗以著勸誡拯頹綱以繼三五鼓芳風以扇遊塵一字之褒寵踰華袞之贈片言之貶辱過市朝之撻德之所助雖賤必申義之所抑雖貴必屈故附勢匿非者無所逃其罪潛德獨運者

無所隱其名信不易之宏軌百王之通典也先王之道既
宏麟感化而來應因事備而終篇故絕筆於斯年成天下
之事業定天下之邪正莫善於春秋春秋之傳有三而爲
經之旨臧否不同褒貶殊致蓋九流分而微言隱異端作
而大義乖左氏以鬻拳兵諫爲愛君文公納幣爲用禮穀
梁以衛輒拒父爲尊祖不納子糾爲內惡公羊以祭仲廢
君爲行權妾母稱夫人爲合正以兵諫爲愛君是人主可
得而脅也以納幣爲用禮是居喪可得而昏也以拒父爲
尊祖是爲子可得而叛也以不納子糾爲內惡是仇讐可
得而容也以廢君爲行權是神器可得而窺也以妾母爲

夫人是適庶可得而齊也若此之類傷教害義不可彊通者也凡傳以通經爲主經以必當爲理夫至當無二而三傳殊說庸得不棄其所滯擇善而從乎旣不俱當則固容俱失若至言幽絕擇善靡從庸得不並舍以求宗據理以通經乎雖我之所是理未全當安可以得當之難而自絕於希通哉而漢興以來壞望碩儒各信所習是非紛錯準裁靡定故有父子異同之論石渠分爭之說廢興由於好惡盛衰繼之辯訥斯蓋非通方之至理誠君子之所歎息也左氏豔而富其失也巫穀梁清而婉其失也短公羊辯而裁其失也俗若能富而不巫清而不短裁而不俗則深

於其道者也故君子之於春秋沒身而已矣升平之末歲
次大梁先君北蕃迴軫頓駕於吳乃帥門生故吏我兄弟
子姪研講六籍次及三傳左氏則有服杜之注公羊則有
何嚴之訓釋穀梁者雖近十家皆膚淺末學不經師匠辭
理典據既無可觀又引左氏公羊以解此傳文義違反斯
害也已於是乃商略名例數陳疑滯博示諸儒同異之說
昊天不弔泰山其頽匍匐墓次死亡無日日月逾邁跂及
視息乃與二三學士及諸子弟各記所識并言其意業未
及終嚴霜夏墜從弟彫落二子泯沒天實喪予何痛如之
今撰諸子之言各記其姓名名曰春秋穀梁傳集解

有駢儷習氣文未免渙散○王之爲風黍離自是風體也
不然孔子焉得而降之○辨三傳之失唯仇讐可得而容
句稍不切情實餘皆諦當○左氏之失正在辯辯而多鑿大抵
卻多端正然無深論公羊之失亦正在辯辯而多鑿大抵
說春秋者每以鑿失之

程傳序

天之生民必有出類之才起而君長之治之而爭奪息道之而生養遂教之而倫理明然後人道立天道成地道平二帝而上聖賢世出隨時有作順乎風氣之宜不先天以開人各因時而立政暨乎三王迭興三重既備子丑寅之建正忠質文之更尚人道備矣天運周矣聖王既不復出有天下者雖欲效古之迹亦私意妄爲而已事之繆秦至以建亥爲正道之悖漢專以智力持世豈復知先王之道也夫子當周之末以聖人之不復作也順天應時之治不復有也於是作春秋爲百王不易之大法所謂考諸三王

而不謬建諸天地而不悖質諸鬼神而無疑百世以俟聖人而不惑者也先儒之論曰游夏不能贊一辭辭不待贊也言不能與於斯耳斯道也惟顏子嘗聞之矣行夏之時乘殷之輅服周之冕樂則韶舞此其準的也後世以史視春秋謂褒善貶惡而已至於經世之大法則不知也春秋大義數十其義雖大炳如日星乃易見也惟其微辭隱義時措咸宜者爲難知也或抑或縱或與或奪或進或退或微或顯而得乎義理之安文質之中寬猛之宜是非之公乃制事之權衡揆道之模範也夫觀百物而後識化工之神聚眾材而後知作室之用於一事一義而欲窺聖人之

用心非上智不能也故學春秋者必優游涵泳默識心通
然後能造其微也後王知春秋之義則雖德非禹湯尙可
以法三代之治自秦而下其學不傳予悼夫聖人之志不
明於後世也故作傳以明之俾後之人通其文而求其義
得其意而法其用則三代亦可復也是傳也雖未能極聖
人之蘊奧庶幾學者得其門而入矣有宋崇甯二年癸未
四月乙亥河南程頤正叔序

按程子此序主意在行夏之時四句雖程子之意深遠非
後學所可窺然以春秋之書春王正月爲孔子志在夏時
則似殊牽強朱子云胡文定說春秋謂春秋所書仍是周
正子月子月非春但孔子特以春字冠之以寓夏時之志
如此則孔子脩春秋二百四十二年事止證得一個行夏
之時矣○春秋百王大法如役民不以時及非時舉事者

皆備書示戒而丹楹刻桷則書杞用夷禮稱子獻六羽則
書初如此之類是亦夏時殷輅周冕韶舞意也○春秋其
實止是魯史但史筆謹嚴經世大法自寓其中耳朱子作
易本義止以易爲卜筮之書可知說春秋者亦止當以春
秋作史
書看也

胡傳序

古者列國各有史官掌記時事春秋魯史耳仲尼就加筆削乃史外傳心之要典也而孟子發明宗旨目爲天子之事者周道衰微乾綱解紐亂臣賊子接迹當世人欲肆而天理滅矣仲尼天理之所在不以爲己任而誰可五典弗惇己所當敘五禮弗庸己所當秩五服弗章己所當命五刑弗用己所當討故曰文王旣没文不在茲乎天之將喪斯文也後死者不得與於斯文也天之未喪斯文也匡人其如予何聖人以天自處斯文之興喪在己而由人乎哉故曰我欲載之空言不如見諸行事之深切著明也空言

獨能載其理行事然後見其用是故假魯史以寓王法撥
亂世反之正敘先後之倫而典自此可惇秩上下之分而
禮自此可庸有德者必褒而善自此可勸有罪者必貶而
惡自此可懲其志存乎經世其功配於抑洪水膺戎狄放
龍蛇驅虎豹其大要則皆天子之事也故曰知我者其惟
春秋乎罪我者其惟春秋乎知孔子者謂此書之作遏人
欲於橫流存天理於旣滅爲後世慮至深遠也罪孔子者
謂無其位而託二百四十二年南面之權使亂臣賊子禁
其欲而不得肆則戚矣是故春秋見諸行事非空言比也
公好惡則發乎詩之情酌古今則貫乎書之事興常典則

體乎禮之經本忠恕則導乎樂之和著權制則盡乎易之變百王之法度萬世之準繩皆在此書故君子謂五經之有春秋猶法律之有斷例也學是經者信窮理之要矣不學是經而處大事決大疑能不惑者鮮矣自先聖門人以文學名科如游夏尙不能贊一辭蓋立義之精如此去聖既遠欲因遺經窺測聖人之用豈易能乎然世有先後人心之所同然一耳苟得其所同然者雖越宇宙若見聖人親炙之也而春秋之權度在我矣近世推隆王氏新說按爲國是獨於春秋貢舉不以取士庠序不以設官經筵不以進讀斷國論者無所折衷天下不知所適人欲日長天

理日消其效使夷狄亂華莫之遏也噫至此極矣仲尼親
手筆削撥亂反正之書亦可以行矣天縱聖學崇信是經
乃於斯時奉承詔旨輒不自揆謹述所聞爲之說以獻雖
微辭奧義或未貫通然尊君父討亂賊闢邪說正人心用
夏變夷大法畧具庶幾聖王經世之志小有補云

胡傳多有爲之言故此序亦鋪張揚厲娓娓不能自止但
於中實多過火之語傳中亦每每如此○春秋天子之事
只以救天下之亂爲心便是以天子之事爲事不必真以
南面之權自予也如大學說治國平天下中庸言天地位
萬物育孟子談王道此便都是天子之事不但止春秋然
也○文定以春秋爲窮理之要絃謂先須窮理然後可看
春秋理有未達未可以讀春秋也理有未窮而欲以春秋
窮理則用意深求穿鑿之患必由是而生矣○春秋固是
惇典庸禮命德討罪之書然於中亦難以勉強分析不必
將逐句逐字看得用意其最分明處如正月書王河湯稱

狩此典禮分明處成宋亂宋災故之類此討罪分明處他
如輩去氏而僑如不去氏季友來歸書季子之類傳者用
意推求亦恐枉卻止爲經書季子便極口出脫季友之賢
以經書秦人伐晉晉侯伐秦便揣摩出謂聖人以王事責
秦穆以常情待晉襄以公穀經書叔孫舍至自晉便將叔
孫說得如許完名全節此都將聖人忒看有心而不審事
情忒將一字裏貶認真故也將卑師於齊桓事本少有許可
胡傳以經書齊人便都說是將卑師於齊桓事本少有許可
桓也蘇東坡謂後儒說春秋乃深文獄吏耳不誠然哉○
朱子謂胡傳如對策問相似要於一文獄吏耳不誠然哉○
典故此序大意祖述七家便於七家之語亦欲填寫個盡
興傳中亦大概如此然往往有辭不達意處正以其好用
議論大作勢頭之病故也

春秋綱領

孟子曰春秋天子之事也是故孔子曰知我者其唯春秋
乎罪我者其唯春秋乎昔者禹抑洪水而天下平周公兼
夷狄驅猛獸而百姓甯孔子成春秋而亂臣賊子懼

又曰王者之迹熄而詩亡詩亡然後春秋作晉之乘楚之
檮杌魯之春秋一也其事則齊桓晉文其文則史孔子曰
其義則丘竊取之矣

又曰春秋無義戰彼善於此則有之矣征者上伐下也敵
國不相征也

莊周曰春秋經世先王之志也聖人議而不辯

議而不辯四字深得

春秋之法

又曰春秋以道名分

董子曰昔者孔子曰我欲載之空言不如見之行事之深切著明也

又曰撥亂世反之正莫近於春秋

又曰有國者不可以不知春秋前有讒而不見後有賊而不知爲人臣者不可以不知春秋守經事而不知其宜遭變事而不知其權爲人君父而不通春秋之義者必蒙首惡之名爲人臣子而不通春秋之義者必陷篡弑之罪故春秋禮義之大宗也

文中子曰春秋之於王道是輕重之權衡曲直之繩墨也
舍是則無所取衷矣

又曰春秋其以天道終乎故止於獲麟

此語未詳所謂其

抑以爲感麟而作乎以爲文成麟至則被獲非祥也
以爲感麟而作則程子曰麟不至春秋豈不作乎

邵子曰春秋孔子之刑書也功過不相掩五伯者功之首

罪之魁也先定五伯之功罪而學春秋則大意立矣春秋

之間有功者未有大於四國者也有罪者亦未有大於四

國者也不先治四國之功過則事無統理不得聖人之心

矣

此數語
至精要

張子曰春秋之書在古無有乃仲尼所自作惟孟子爲能

知之非理明義精殆未可學先儒未及此而治之故其說

多鑿

春秋大義有甚明處亦人人可知先儒說春秋者則每求深以失之故鑿之一字先儒率多未免

程叔子曰五經載道之文春秋聖人之用五經之有春秋猶法律之有斷例也

又曰五經如藥方春秋猶用藥治病

又曰春秋一句卽一事是非便見於此乃窮理之要學者

只觀春秋亦可以盡道矣

春秋難看程子學力已到故其言如此學者要須先通他經而

後治春秋可也

又曰春秋傳爲案經爲斷

紱按經亦未便是斷但是非明白無所回互其是否可由以定

耳

又曰春秋之文一一意在示人如土功之事無大小莫不書之其意止欲人君重民力也

又曰春秋之法極謹嚴中國而用夷禮則夷之韓子之言深得其旨

胡氏曰學春秋者必知綱領然後眾目有條而不紊自孟軻氏而下發明綱領者七家

卽上七家之說

今載其精要之辭於

卷首智者卽辭以觀義則思過半矣

此胡氏作傳之大旨

又曰傳春秋者三家左氏敘事見本末公羊穀梁辭辨而義精學經以傳爲按則當閱左氏玩辭以義爲主則當習公穀然皆互有得失至晉杜預范甯唐啖助趙匡此數子

者用力甚勤時有所取雖造宮牆之側幾得其門而入要
皆未見宗廟之美百官之富也故不與七家之例七家所
造固自有淺深獨程氏嘗爲之傳然其說甚略於意則引
而不發欲使學者慎思明辨自得於耳目聞見之外者也
故今所傳事按左氏義探公穀之精者大綱本孟子而微
詞多以程氏之說爲證云

朱子曰春秋一發首不書卽位卽君臣之事也書仲子嫡
庶之分卽夫婦之事也書及邾盟朋友之事也書鄭伯克
段兄弟之事也一開首人倫便盡在

又曰春秋大義如成宋亂宋災故之類皆是直著譏貶其

他大概止據事直書在那裏使後世因此去考見道理如何便爲是如何便爲不是若說道聖人當時之意說他當如此我便書這一字以裹之他當如彼我便書那一字以貶之則恐聖人不解恁地

又曰聖人心事正大光明必不如傳注家之穿鑿

又曰聖人作經直述其事固是有所抑揚然亦非故意增減一二字使後人就一二字上推尋以爲吾意旨之所在也

又曰昔楚相作燕相書其燭暗而不明楚相曰舉燭書者不察遂書舉燭字於書中燕相得之曰舉燭者欲我之明

於舉賢也於是舉賢退不肖而燕國大治故曰不是郢書乃成燕說今之說春秋者正此類

又曰學春秋者多鑿後漢五行志注載漢末有發范明友奴冢者奴猶活明友霍光女壻說光家事及廢立之際多與漢書相應某嘗說與學春秋者曰今如此穿鑿說亦不妨只恐一旦有於地中得夫子家奴出來說夫子當時之意不如此爾

又曰春秋今來大綱是從胡文定說但中間也自有難穩處

又曰胡文定說春秋高而不曉事情

春秋總論

天下之治亂本於倫紀倫紀正而天下治倫紀乖而天下

亂矣周室之東也晉文有視師之命秦襄有小戎之勳夫

豈不可爲治迺王師不西指於戎而外戍讎舅之家王宰

不降德於民

語本內則

而下賄諸侯之妾

隱元年惠公仲子

桓王嗣立

庇曲沃以伐其君

隱五年傳

寤生擅權假王師以得其志

桓二年鄭

伐宋王師會之隱十年鄭以王師伐宋許

是君臣父子夫婦兄弟國人之交失

其道而諸侯疇不效之此春秋所爲託始也魯隱託名居

攝實則首叛王章王喪不奔不葬則上不君其君

隱三年平王崩

父喪改葬不臨則內不父其父

隱元年傳

輦帥師而徇其請則

下不能於臣

隱四年會伐鄭
鞏固請而行

始盟宿而終渝平則外不信

於友

元年盟宋於宿
六年鄭人渝平

而徒探父之邪志自以能讓為賢

奉桓

為大弟

又復久假不歸是惡睹其為讓也鍾巫之及惡可追

與

鞏弑隱
於鍾巫

春秋之始列國猶知有王故鄭忽在王所而陳

桓以女妻之

隱七年傳

州吁未能和民則謀王覲為可

隱七年傳

翼之師晉不能抗

即為曲沃

繻葛之戰四國從王

桓五年陳蔡
衛從王伐鄭

討其不朝也

而鄭莊最强亦以其挾天子令諸侯之故乃寤生

既挾王以自雄又叛王而自逞始則納質而交惡

隱三年傳

復射王而中肩

即繻葛戰

惟鄭既自貳於王故王靈益以不振

而鄭失天子寵光亦卒以自困於晉楚使寤生篤桓武之

忠貞而鄭虢同心王室

鄭莊虢公同為王卿士

則周室何遽不可有

為虞虢可以不亡

二國皆僖五年滅於晉

鄭亦不日趨孱弱矣故諸

侯之肆鄭其罪魁而不識自貽伊戚也鄭既反復於王而

魯衛宋齊陳蔡互相黨援以私為報復弑君之惡始於衛

魯

隱四年衛州吁弑桓十一年翬弑隱

繼及宋齊

桓二年宋督弑瑒莊八年齊無知弑襄

君既

不王於王臣亦不君其君莫之能討理勢然也桓莊僖惠

非有大惡不仁而怙倪苟安綱淪法斃弑君之賊不討以

討鄭之不朝鄭莊所以跋扈也

謂繻葛

王不能以和諸侯而

諸侯自相朋比齊僖所以小霸也

隱公八年齊平宋衛於鄭也

救翼之

舉不終而終命曲沃為晉君晉獻所以啓疆也

隱五年曲沃叛王王

伐曲沃莊十六年釐王鄭文有畏於齊而惠欲撫之以從

命曲沃武公為晉侯楚荆楚所以日競也
僖五年首止傳莊僖之崩不赴不葬莊十一年

崩十七年僖王崩惠后之寵子頹稱亂燕衛得以伐王莊十九年傳王

自不王豈獨諸侯罪哉魯桓篡弑天討不加而寵錫頻頻

桓五年六年八年王臣屢聘是以成宋亂而立華氏桓二年

盟武父以黨鄭突桓二年此其臭味固然無足怪也既乃甲

於內亂身死異邦以文姜故十八年齊侯使彭生戕公於車夫亦足為天下鑒

矣魯莊材技似足有為乃不報父讐而反會讐以伐同姓

莊三年會齊伐衛八年會齊圍郕不能庇紀莊四年紀而能納朔以抗王

師五年六年故其母其妻皆足以制之卒貽後禍哀姜慶於

斯時也鄭敗天子之師紀戎伐天王之使隱七齊滅王后

之母家紀滅衛納天子之蝻蟹納子晉翦周之同姓魏韓楚

盡漢陽諸姬應隨蓋王室斬焉中原陸海惠猶不監將搖

國本以惠后故欲廢太子而立叔帶使非齊桓倡義周室其能豸乎齊桓

之霸也遷夷儀以存邢僖元城楚丘而封衛僖二伐山戎

則命燕脩貢莊三恤魯難而扶立僖公閔二伐召陵而責

貢包茅僖四盟甯母而官受方物僖七盟首止以定王儲

僖五會葵丘以明王禁僖九惟時王室稍尊諸侯亦以少

輯是五霸迭興要不得不推桓為有功之首顧子頹之亂

置若罔聞討衛之師終於受賂莊二十八年則毋適為鄭虢所

嗤矣

莊二十一年
鄭統定王室

至乃討晉而不至

僖十年傳伐晉
至高梁而還

滅黃

而不救

僖十年
救徐而不能

僖十年
城鄆而不果

十六年
末路竟

無足觀且在位四十餘載未嘗入覲於王則非所以尊天

子也如夫人者六人繼嗣終以不定則非所以正國本也

初立子昭又
將立武孟

是以身死之日事業頓墮而宋襄乃攘臂而

起宋襄圖霸忸於獻也

僖十八年
敗齊於獻

迺一會而虐二國之君

僖十
九年

又不足而求諸侯於楚

盟鹿

會孟見辱

皆僖二
十一年戰泓

甚傷二十二年襄霸亦何足道然而齊桓已卒晉文未興不有

宋襄稍爲支吾晉文雖欲起霸中原亦幾無所憑藉矣是

以陳蔡及鄭旣皆楚令之從宋襄旣歿宋成且往朝焉魯

傳導楚以之伐齊曹衛又南嚮矣宋襄其未可少也魯傳

克定國難勤政恤民闕宮承先泮水興學魯人號稱明聖

然春秋所紀則自憫雨而外無他取焉見僖二三年寵季友而

基私室之強僖元年賜季友費致成風而紊嫡庶之分僖八年以楚

伐齊逞私忿也僖二十年戍衛刺買亂政刑也僖二十年薨於

小寢卽燕安也三十年然而魯十二公要以僖公爲最蓋瑕

瑜不相掩云晉文在外十九年秦穆奉之終有晉國遂迺

定襄王誅叔帶地啓南陽僖二十七年伐曹衛救宋齊功高城

濮僖二十八年膺寵命而三覲王宮同上踐土之會帥諸侯以再朝天

子同上溫迹其尊王攘外之功似軼齊桓而上然而侵曹

春秋集傳卷之首春秋總論主

伐衛報私怨也

不禮之故

喜賂怒頑行詐術也

戰城濮事

元咺之訟

釋君而助臣河陽之狩以臣而召君

皆二十年事

胡可訓與恩

有不報

於秦於狄

怨所必仇

於曹衛鄭

宜孔子譏其不正矣究之晉

文之譎效齊桓也五霸假之均非聖人之徒所樂道秦穆

雄長西陲內交中國比桓文爲有長厚之風然貪賂而納

夷吾因敵以爲利也

僖十年

會伐而私及鄭盟爽信而基禍

也

僖三十年

利令智昏違蹇叔而有二陵之敗

僖三十年

殘民逞

忿報晉怨而有三伐之勤

文二年戰彭衙又晉伐彭衙文三年伐晉濟河焚舟

則秦

晉兵禍相連而使荆蠻得以益肆夫非秦穆之罪乎唯封

殺卒邀金鼓之賀

王賀秦以金鼓

而茅津遂矢悔過之言

作秦誓當在文

三故聖人猶有取焉不得以僅霸西戎少之桓襄文穆之

興皆在襄王之世襄王賴齊桓以定其位首賴晉文以扞

其艱狄隗之寵遂廢懿親甘帶之姦再危王室然而玉步

不改諸侯再朝則以知桓文之可賴而賴之是亦知臨之

吉也錫胙葵丘恩禮優渥不許晉隧綸綽森嚴蓋先王之

遺澤猶存在襄王亦中興之次也襄王既崩頃匡不永晉

之繼霸亦以日衰厥貉之次宋為楚文十鄆丘之盟魯

為齊弱文十晉侯將救魯而受賂益長齊驕文十五趙盾

以侵崇者成秦愈挑秦宣元戎狄日以內侵篡弑因之

屢作於是楚商臣弑文元齊商人弑舍文十宋弑杵臼

春秋集傳卷之百春秋總論

春秋集傳卷之百春秋總論

文十齊弑商人文十魯弑子赤莒弑庶其皆十晉弑夷皋

宣二鄭弑君夷宣四陳弑平國宣十諸夏亡君莫此為甚

魯文厭政甘受侵陵魯宣媚齊遂定君位宣公齊晉於文

則不能救於宣則不能討此楚莊所為得崛起南服而伸

大義於天下也楚有少西之討聖人不得已而與之宣十

是以伐鄭宣十入陳宣十戰邲宣十聖人皆為之寬其責

焉及迺滅蕭宣十二挑宋十四年使過宋不假道憑陵不已

則其罪亦已著矣况其僭號不改問鼎周郊宣三楚惡本

不容誅而楚莊成為霸也亦以甚諸夏之衰焉故耳唯是

周德雖衰天命未改是以魯人不共則徵聘有令楚莊問

鼎則孫滿有辭自定簡以及靈王皆能無惡於諸侯而晉

人之盟會諸侯亦屢藉王臣以為重

如文三年王叔桓公會伐楚宣七年王叔

桓公盟黑壤之類

迺晉之襄靈至於成景徒有繼霸之名陳鄭及

魯皆反復於齊楚之間莫之能輯及夫宋及楚平而南北

遂有兩分之勢

宣十五年

鍾儀脩好會宋西門矣

成二十年

然楚莊

既殂楚其少懦魯宣以北鄙之伐而西顧

宣十七年盟晉斷道

鄭悼

以許靈之訴而改圖

成五年

齊頃以笑客致費

宣十七年事

楚側

以一矢渝盟

成十五年楚北師

於是救魯衛而敗齊於鞍

成二年朝

京師而勝秦麻隧

成十年

負芻之執庶幾伯討焉

成十年

無如

晉厲不君君臣相殺自鄆陵幸勝

成十年

而厲亦見弑於欒

書矣

成十年

晉悼承厲公之烈乃能內脩庶政外禮諸侯伐

彭城以討叛臣

襄元年

盟袁僑以撫新附

襄三年

城虎牢而齊

不敢不至

襄二年

會蕭魚而楚不能與爭

襄十一年

復霸之光桓

文生色然有服鄭之勲未聞尊王之舉通句吳以病楚豈

攘外之良謀

五年會吳於戚十年會吳於祖

奪鄭險而伐喪詎交鄰之義

舉

襄二年

滅偃陽以與宋其仁安在

襄十年

盟林父而立剽於

義何居

襄四年

邢丘會而大夫專

襄八年

遷延師而大夫情

四晉悼亦豈足多乎悼既終而平繼溴梁君若贅旃何足

怪與

襄十六年

且國政之在大夫爲漸久矣魯宣之立仲遂弑

也

文十年

東門之逐行父專也

宣十年

行父見執僑如賂也

成十年

六年邢丘之會公在晉而季孫盟矣其在晉也則趙盾專而

靈公弑矣胥童幸而三卻誅矣欒書張而州蒲執矣其他

則鄭穆立於歸生宣四年宋平弱於蕩澤成十年鄭僇瘡於子

駟襄七年陳哀逃於二慶同上衛獻逐於孫甯襄十四年齊光脅於

崔杼襄十年郊敖殤於子圍昭元年晉悼號稱有爲且倒太阿

而授之柄焉其自傷不既多乎是故溴梁之盟荀偃怒也

臧紇之奔三桓比也襄二十三年欒盈之錮士匄讐也陳黃之

出二慶偏也襄二十一年欒盈奔亦繼此而崔杼弑光矣襄二

十四年甯喜弑剽矣二十六年始雖有圍齊之師襄十八年澶淵之會

襄二十二年而後乃不免朝歌受伐二十三年曲沃稱戈即欒氏平不知

鑒爲林父而執衛君是以專祿周旋示六卿法也二十六年納

齊賂而立景公是以徇利忘義教大夫弑也二十五年西門之

盟楚先晉歆二十七年楚美君哉之令尹昭元年魯賦式微於

襄公二十九年且齊方爲王城二十四年而晉惟夏肆之屏二十

年九蔡方以子弑父三十而會惟宋災之故同晉之不爲盟

主不亦宜哉晉霸旣衰楚虔滋橫滅陳滅蔡昭八年滅陳十一年滅蔡

莫或爲難迺至投龜詎天謂區區而不予畀十年稔惡乃

斃乾谿昭十年棄疾代之焰方稍熄而吳又興而弱楚矣齊

景有代興之志而行事錯亂顛倒納燕款不勝其賂昭六年

唁魯昭不實其言昭二十五年王室多難置若罔聞供役城周

高張後至二十三年迺復黨衛輒以拒父哀三年助范氏之叛君

定十年徒用齊莊之故智多內嬖而不立其子重賦斂以自

遠其民更蹈齊桓之覆轍故姜氏之變而田景公為階之

禍也周靈景處式微之日無戒懼之心鑄無射惟樂之從

鑄大錢惟利之聚見周語殺佞夫而兄弟之愛薄襄三寵賓

起而後嗣之禍延昭二十二年悼敬之間周分為二若匪晉頃

定之力其禍亂甯可弭哉晉頃定能卹宗周宜霸業之可

振矣然定難遲之五年之久而城周猶待天子之命而且

南面當尊魏舒大夫專執韓不信執宋仲何其怠且倨與故

春秋書之無美辭誠非没人善也魯昭數世棄民一朝逞

忍忠言逆耳識淺謀輕不唯見逐於強臣抑且委牽於從

者其不能如鄭突衛衍之復歸必矣然而齊晉之臣實與

意如聲勢相倚欲納之者雖有宋衛君臣亦惡勝季孫之

賄賂乎定公立於季氏陪臣旋執國命桓子懲家隸之禍

庶幾稍輯以奉公於是孔子見用國勢漸張

定十年

而處父

簀鼓於中齊人抗之於外彼婦出走孔子以周流終老而

三家不臣如故矣定哀之際楚以子常專利而唐蔡叛

定四年

晉以六卿交軋而國勢分

定十年

齊以田鮑比周而公室

危

哀六年

強臣柄國所在而然而句吳乃得以伐楚入郢

四年

勝齊艾陵

哀十一年

盟晉黃池

哀十三年

霸國之餘皆爲吳弱而於

越又以入吳春秋乃絕筆於獲麟不忍再續矣要之禍亂之尋有三道焉一則曰繼嗣之禍自閭門也一則曰強臣之禍自朝廷也一則曰戎狄之禍由中國也魯惠娶仲子而桓公弑隱莊王嬖姚氏而子頹伐王衛莊惑嬖妾而州吁弑桓魯文嬖敬嬴而東門弑赤齊桓好內而六子爭齊昭替嫡而舍不君齊景多寵而子荼死鄭莊無嫡而昭厲爭宋平寵棄而子痤殺此皆並后之害也莊王寵子克而黑肩謀弑桓十年惠后愛子帶而狄隗間王齊僖寵弟年而無知弑襄楚成立子職而商臣弑父莒紀愛季佗而紀公見弑黎比廢庚與而庚與逆行宋穆逐子馮而生亂景王

寵子朝以啓爭他若陳佗衛剽負芻陳黃皆以寵而亂國也鄭段秦鍼王弟佞夫皆以寵而自亡也此匹嫡易樹子之害也晉獻烝齊姜生申生嬖驪姬申生死晉國大亂衛宣烝夷姜生急子納宣姜急子殺衛幾滅亡魯桓不能正文姜身死於齊魯莊濫孟任生子般不能正哀姜而般閔繼弑齊莊外淫死於崔氏陳靈外淫死於少西齊懿奪臣妻死於竹林蔡景納芊氏而子般殺父楚平納麇氏而伍員入郢此則瀆倫鳥獸行之害也凡此皆繼嗣之禍自閭門也子羽專兵鍾巫之禍本也慶父專伐武闕之亂基也仲遂專政子赤所由死也意如柄國昭公所由逐也遂事

而伐莒

襄二十五年

莊公弑矣無故而侵崇

宣元年

桃園肇也君

臣相靳子家弑夷偪而不討樂書弑厲子駟當國髡頑卒

不可知令尹無儀邾敖終不以疾葢自費伯城郎大夫已

有專兵之漸豫盟邾翼人臣已有遂事之行

二事皆隱元年

自後

而君不能制愈無顧忌焉祭伯來朝王臣之私交於下也

隱元年

友葬原仲內臣之私交於外也

莊三十七年

結盟齊宋大

夫遂會盟矣

莊十九年

季酖叔牙大夫專刑殺矣

莊三十二年

以大

夫盟諸侯自晉士穀

文二年

以大夫會大夫自晉趙盾

文八年

大夫而上盟天子之臣自翟泉也

僖二十九年

大夫而兼統諸

侯之師由棐林也

宣元年

諸侯既盟而大夫又盟自雞澤也

襄三 年 諸侯不行而大夫命政自邢公也諸侯咸在而大夫

自盟於溴梁也諸侯不在而大夫專執於成周也叔弓圍

費陪臣謀大夫矣昭十年定公侵鄭陪臣執國命也定六年其

上委之其下專之其前行之其後效之下移之漸理勢然

也此則強臣之禍自朝廷也楚丘伐王使衛無人焉狄所

以入衛也入衛閔二年獻舞止息嬀息有怨矣荆所以敗蔡也

莊十年陳穆爲齊之盟既引楚而親之僖十年宋襄鹿上之盟

又推楚而上之于孟見執非其所自取乎僖二十一年襄王以

狄伐鄭既昵狄而俘之僖二十四年夏狄隗婦怨無終又怒狄而

挑之天王出居非其所自致乎二十四年冬溫見滅於狄蘇子

背天王

僖十年

王敗績於戎劉康欺大國

成元年

楚二卿結怨

巫臣晉用是通吳以病荆

見成七年傳

楚囊瓦取賄蔡侯吳因

之救蔡而入郢魯嘗以楚伐齊卒至匱盟之辱

成二年

齊欲

以吳伐魯反致艾陵之師宋爲弭兵之謀西門衷甲晉建

通吳之策後畝黃池晉以白狄伐秦

宣八年

秦亦以白狄伐

晉

成九年

吳以舒鳩誤楚楚亦以於越病吳蓋貪功於一時

以藉外夷之力又復無以自慙而啓戎狄之心棄親暱而

近豺狼忘其將反噬也他若齊治萊夷晉治鮮虞皆務廣

地以自雄耳非攘外之義也此皆夷狄之禍自中國也夫

道者萬世無敝敝者道之失也昔先王制爲禮樂政刑用

之以惇庸命討自冠昏喪祭以暨於朝聘會同自經理井
田以及夫田役軍賦皆莫不有一定之制上下之差惟正
之供不易之守是蓋百世可守以禍亂無自而生者也迺
世衰道微邪說暴行交作先王之禮棄若弁髦而苟且功
利之圖乃深入於人心不可救藥故冠者成人之始也魯
襄年十二耳以晉侯可冠之言而遂假鐘磬於衛成之廟
襄八年蔡景許靈皆弱也以楚子陽橋之役而遂強冠以從
金革之事成二年是安可以責成人之道乎昏者人道之始
也而外逆則紀履綸來隱二年內逆則公子翬往桓三年或貴
聘而賤逆文二年聘或同姓而爲昏吳孟子是豈所以敬

文四年逆

之類

人倫之始乎喪所以慎終迺魯宣未祥而昏

宣元年

衛朔在

喪稱爵

桓十年

內則夫人之喪不赴不祔不爲成喪

如定如孟子之

類

上則天王之喪不奔不使卿不往會葬

平莊僖惠定外頃靈皆不葬

則鄰國之喪或親奔送葬或置若罔聞是不哀死而偕其

生也祭所以追遠乃嘗以災餘

桓十年

再烝見瀆

桓八年

吉禘

莊公

閔二年

卿卒猶繹

宣八年

是不能先君之廟而無報本之

忱也立武宮

成六年

立煬宮

定元年

桓僖不毀廟制踰也郊禘

大雩雉門兩觀大路八佾禮樂僭也君有短垣而自踰之

故魯昭欲逐季氏而公羊謂之曰弑不有由哉治厯明時

所以釐工熙績告朔視朔所以尊王親祖乃日食在晦

公羊

日書日不書朔食晦日也

歲秒而

哀十二年

司厯之過有然閏不告

月朔不親視人君棄時甚矣

文公十六年

諸侯之述職有常

邦交有節所以謹侯度而睦鄰封也天子則不朝而大國

或比年再往

如宣之事齊

王臣且下聘而侯國之入聘闕如其

邦交也或數會而終睽

如桓之於宋

或屢盟以長亂

如屢書同盟之類

始而十一牢於晉卿

昭二十一年

繼迺百牢於吳子

哀七年

惟不

能以禮自強而強大之相役乃至斯甚也先王之取民有

制用民有時所以固邦本而豐財用也自齊桓之內政行

而先王之制始亂後此而晉有州兵爰田一時並用魯之

稅畝三甲田賦相繼而興以工役則城郎

隱九年

城祝三

桓五年

年舉二以屢有非時之令築臺莊三十一年築囿昭九年

例其餘定十三年築蛇淵囿恆多不急之營以戰陣則偏伍彌縫於繻葛舍

車崇卒於太原昭元年以蒐狩則或非其地或非其時以刑

辟則晉爲刑鼎鄭鑄刑書而先王之禮樂政刑皆廢然盡
矣民財日匱民生日促民力日竭民命日輕國本旣搖民
志不定國何由而能固也然則春秋之亂甚矣有聖人者
作其將何以正之與曰聖人作春秋是乃所以正之也春
秋屬辭比事而是非得失之林班乎可考其或微辭示意
或則直著譏貶要欲使天下後世之人因文考事而自得
其意旨之所存以立天下之大防存人心於不死其大要

則在於正倫紀正倫紀所以爲治本也倫紀者禮樂之所由興政刑之所由立也禮義明則上下辨矣上下辨則民志定矣政事脩則財用足矣刑罰正則民心服矣夫是以身脩家齊國治而天下平也夫子之告哀公曰爲政在人取人以身脩身以道脩道以仁又曰夫婦正父子親君臣嚴三者正而庶物從之矣其卽脩春秋之志也夫

春秋列國編年總譜

春秋魯十二公

隱桓莊閔僖文宣成襄昭定哀

歷周十四王

平桓莊僖惠襄頃匡定簡

靈景

共二百四十二年

始平王四十九年己未為魯隱公元年終敬王三十九年庚申為魯

悼敬哀公十有四年

其間列國之諸侯繼世赴告在經未赴未書則世

次多不可考即魯史承赴而書猶或失實如平王遠日三

年

陳鮑再赴

桓五年

則日月有疑惠王之崩

經在僖八年傳以為在僖七年

晉惠之卒

經在僖二十四年傳以為在二十三年

則經傳互異是皆難以確

據然非傳經之要務也周禮外史掌四方之志則侯國各

有史記可知然而見聞異辭則國史已不無闕誤况簡編

既闕事難悉考而說經者泥一字之有無以為是聖人筆

削褒貶所存此亦未可以深據矣夫欲論其事之是非必先揆其事之本末欲揆其事之本末必先考其人以詳其世次之先後有關者無庸附會耳其可考者能不慎爲條析乎舊本列國編年列於各卷之首似於經文間隔且翻閱爲難用效史記年表之例總編其年列於簡端首以歲次以提其綱次列王年尊一統也次魯春秋魯史也次齊次晉次宋皆霸國也次陳蔡衛鄭曹杞滕薛許皆諸夏之國也次邾莒秦楚暨於吳越焉其若燕紀虞虢江黃郕邾胡沈頓宿之類雖名爵錯見於經而世次則無可考其列國有赴葬不見於經者亦爲闕之其傳有可補則補列之

其經傳有不同者則只以經年爲據其與世系經傳一錯一綜互相參伍學者按圖而索條理秩然是亦研經之一助與

年譜

年

王魯齊晉宋陳蔡衛鄭曹杞滕薛許邾莒秦楚吳越

己未

周魯齊晉宋陳蔡衛鄭曹杞
平隱僖鄂穆桓宣桓莊桓武
元九二七三其三三三三

邾

秦楚
文武
元

庚申

辛二十三八
酉丑酉丑丑

乙丑

四七五二四九廿四三共聖

卒侯滕

丙寅

五八六三五三廿四九聖

典
武堯

卒宣蔡

元宣滕

丁卯

六九七哀六世蔡五三聖

四
武二

桓元

戊辰

七十六哀七世二六世聖

五
武三

己巳

周魯齊晉宋陳蔡衛鄭曹
桓隱僖哀殤桓桓宣莊桓
八十九十八三三七三

滕薛許邾
宣獻莊克

八十九
曲天
八世三三七世星

奔

之聖

四

庚午

九

元桓魯

哀

九

卅四

14

八

世

二、
四

1999

五武七

辛未

+

廿

哀

十

卅五

$$\frac{5}{5}$$

九

九
卅
一

四
翠



六武八

之

壬申

+

廿

哀

人
宋

卅六

八

+

三

五四

八

被獲

一元

七

十四廿晉一七七十一卅六九

三五齒小二共八十二世七季

十四六廿少子四陳佐九十三廿八壬

十五
七
其
子
五
二
十
四
卅
九
五

元陳殺陳 卒桓陳

丁丑

周桓
魯桓
齊僖
晉襄
宋莊
陳厲
蔡桓
衛宣
鄭莊
曹桓

克邾

戊寅

七九
其緡
二武
七四
三六
望垂

己卯

六十七
其緡
三武
八五
三十七
望垂
曹桓

庚辰

九十二
三緡
四武
九六
十四
六望
望垂
鄭莊
曹桓
元莊

辛巳

二十十三三
緡十七
五
七
五
九
鄭
二

武五
陳厲
衛厲
宣元

壬午

廿十三三
緡十一
陳大
衛二
三

武六
莊元
惠元

癸未

廿十四
齊緡
二七
二
三
四

齊七
武六
卒

甲申

廿十五
齊緡
三三
六
三
四
五

周襄
八
元武
九

許穆
復國
元

春秋列國編年史

戊子	丁亥	丙戌	乙酉
四魯五緡七二惠厲九	三六四緡六六蔡惠厲八 齊薨桓魯武士哀牟臺元被戮	二七三緡主五辛惠厲七 卒桓蔡牟昭六照弒	元莊桓襄纘九西四奔昭六 莊桓襄纘九西四奔昭六
五	四	三	二許穆克邾

己丑			庚寅			辛卯			壬辰		
五			六			七			八		
二			三			四			五		
六			七			八			九		
緡	宋	宣	緡	宋	宣	緡	宋	宣	緡	宋	宣
卒	莊	元	卒	莊	元	卒	莊	元	卒	莊	元
三			四			五			六		
八			九			十			十一		
惠	厲	十	惠	厲	十	惠	厲	十	惠	厲	十
五			六			七			八		
二			三			四			五		
九			十			十一			十二		
六			七			八			九		
文			楚								

元利集

三

癸巳

周魯齊晉宋陳蔡衛陳曹
莊襄閔宣哀惠厲莊
九六十七四七十三十四

許邾
穆克

楚文

甲午

十七十三
武六
元
五六八十三
儀古厲五

十三

乙未

十八十三
楚無
武九
三
六七九
儀主厲六

十三

丙申

十九
殺無
武三
元桓
七十八十五
儀六厲七

十三

辛丑

周魯齊晉宋陳蔡衛鄭曹
僖莊桓宣哀惠莊
二十四六三六二二三五二二二二

許穆克邾

楚文

壬寅

三
五七
緡
三十四六廿二廿三
武
三

九

癸卯

四
六八
晉
四十五十七廿二廿三廿四
武
三

三

邾克卒

甲辰

五
七九
晉
五十六六廿三廿四廿五
武
卒

廿

邾瑣元

周僖

卒

乙巳

周
惠
元
十
晉
六
七
九
廿
廿
其

廿二

丙午

二
類
丑
九
十二
二
七
六
二十
廿
其
其

廿三

卒文楚

丁未

三
二十
十三
三
八
九
元
穆
蔡
其
其
其

廿四

元敖堵楚

戊申

四
廿
十三
四
九
二十
二
其
其
其
亂
靖
鄭
卒
厲
鄭

廿五

二

己酉

周魯齊晉宋陳蔡衛鄭曹
惠莊桓獻桓宣穆惠文莊
五廿四五十廿三其元辛

許邾
穆瑣
其六

楚堵敖三

庚戌

六廿五六十廿四其元辛
廿二

其七

楚成元

辛亥

七廿六七十廿五辛三
廿三

其八

二

壬子

八廿七八三十廿六廿四
卒衛惠

其九

三

卒衛惠

曹羈奔曹傳元

曹莊卒

癸丑

九
共
六
八
九
十
四
廿
七

衛
懿
元
五
三

三
十

四

甲寅

十
廿
九
十
五
共
八
二
六
四

卅
二

五

乙卯

十
共
三
十
二
十六
廿
九
三
七
五

卅
三

六

丙辰

十
共
廿
二
十
七
共
十
四
八
六

卅
三

七

邾
瑱
卒

邾
文
元

丁巳

周魯齊晉宋陳蔡衛鄭曹
惠莊桓獻桓宣穆懿文僖
三三三六六十一五九七

許穆文
四二

楚成
八

戊午

古世一廿四九三十二六十八

世五三

九

己未

古世二廿五三十世一三七十二九
魯莊薨般卒
曹僖卒

其四

十

庚申

十六魯廿五十六廿一世二十四八十二
閔元
曹昭元

世七五

十二

甲子	癸亥	壬戌	辛酉
二十	十九	十八	十七
三	二	魯僖元	慶父弑之
廿	廿八	廿七	廿六
九	十九	十八	十七
二十	廿四	廿三	廿二
廿五	廿五	廿四	廿三
卅六	十七	十六	十五
十八	十一	衛戴立	狄之衛
邱城	邱城	衛卒戴	衛卒戴
二	二	十四	十三
十六	十五	十三	十二
五	四	二	
望	望	廿九	廿八
九	八	七	六
		秦穆	
五	四	十三	十二

乙丑	丙寅	丁卯	戊辰
周惠	廿五	廿六	廿七
魯僖	廿五	廿六	廿七
齊桓	會首止	廿六	廿七
晉獻	廿七	廿六	廿七
宋桓	廿七	廿六	廿七
陳宣	廿七	廿六	廿七
蔡穆	廿五	廿六	廿七
衛文	廿六	廿六	廿七
鄭文	廿六	廿六	廿七
曹昭	廿六	廿六	廿七
卒	元	二	三
穆	僖	丁	戊
文	許	二	三
邾	士	二	三
楚成	七	六	九

卒昭曹

元僖許
士

卒聖穆許
十文邾

己巳

周惠崩

入

廿

廿

三

里

廿

入

廿

元共曹

四

廿

三

庚午

周襄元

九

會葵

晉共

宋

里

廿

九

廿

二

五

五

三

辛未

二十

廿

六

卓

宋

里

廿

十

廿

三

六

六

三

壬申

三十

七

二

二

隔

共

十

廿

四

七

七

三

元惠晉

弒襄

卓

卒

卒

癸酉

周魯齊晉宋陳蔡衛鄭曹
襄僖桓惠襄宣穆文文共

許邾
僖文

楚成

甲戌

五十三
荒四四
陳共十三共六
元穆

九
九

三

乙亥

六十四
罕五五
二
蔡共十四共七
卒穆

十
三

六

丙子

七十五
四六六
三
蔡共十五共八
元莊

十一
二

秦穆戰韓原

七

丁丑 八十六 四十七 七七 四十二 六十九

戊寅 九十七 四十八 八八 五十三 七十三

卒桓齊

己卯 十六 齊九 九六 四十六 廿二

始

死蓋元孝

庚辰 十一 九二 十七 五十九 卅三

執齊嬰滕

十三 廿三 三

十三 廿三 元

十四 廿四 三

十五 廿五 三

春秋列國編年總譜

辛巳	壬午	癸未	甲申
周魯齊晉宋陳蔡衛鄭曹	三廿四三三九七廿四西	西廿五三三十八廿五五	五廿六十四十四十九廿十六
襄僖孝惠襄穆莊文文共			
立懷卒惠卒襄宋			
卒			卒成杞
六傳許	七	六	九
共文邾	七	共	共
穆秦			
三成楚	三	三	三

乙酉

十六廿七

晉宋
懷成

二十廿四
七七
杞

二十

三

丙戌

十七廿八

元文
晉

二十二
三十一
廿廿六
二

廿

七

丁亥

十八廿九

三十三
四十二

衛元
成

廿

九

戊子

十九

十四
四十五
三十二
四十四

齊
孝
卒

廿

九

卷之二十一

三

己丑

周魯齊晉宋陳蔡衛成鄭曹杞
襄僖昭文成穆莊三文共桓

三十八元五
五六十四盤
四廿五

始伯

卒

攝

許邾莒秦楚
傳文茲穆成
齒齒不罕

廿四世不罕

四

庚寅

廿廿九一六六陳五四四廿六

元共
武叔

下五
卅五

西

辛卯

廿三三七七二六五四四七

歸成衛

廿六

四

壬辰

廿四八八三六四四八

廿七

西三

癸巳

廿四世三五九九四六七八廿五九

廿八

四

卒文晉

卒文鄭

甲午

廿五世三六晉十五九八鄭共十

廿九廿九

五

卒僖魯

元襄

元穆

乙未

共魯七十二十六三十九二七十一

三十四

元文

四六

丙申

廿二八三十三七廿十三共三

卅二

元穆楚

丁酉

周魯齊晉宋陳蔡衛鄭曹杞
襄文昭襄成共莊成穆共桓
其三九四三八三二四其三

許邾
僖文
三望

秦楚
穆穆
二

戊戌

其四十五其九其十三其五其十四

三望

三

己亥

其五十六其十五其十六其十五

許
僖
四望

四

庚子

其六十七其十六其十七其十七其十七
卒襄晉

許
昭
元望

秦五
穆卒

辛丑

世七十三晉七十三六五八世七

二哭

秦六
元康

靈宋
元成
卒

壬寅

世八十四二宋十三七六九世六
周昭元
崩襄

三哭

二七

癸卯

周九五三二四其七十世九
元頃
曹其卒

四哭

三八

甲辰

二十六四三十五其六十一世三
曹文元
卒

五哭

四九

乙巳

頃周魯齊晉宋陳蔡衛鄭曹杞滕
昭文昭靈昭共莊成穆文桓昭

許邾昭文

秦楚康穆五十

丙午

四十二十六六五十七廿二十十三廿

七至

六十二

丁未

五十二十九七十六六廿廿廿四廿

八至

七至

戊申

頃周六十四二十八七陳州三十五五
齊昭齊靈元
卒
倉

九邾定邾元

八楚莊元

陳共卒

邾文卒

楚穆卒

己酉

周王齊九八二世廿六六廿
元匡懿元蔡莊

十二

九二

庚戌

二六二十九三蔡廿七七其
宋昭弒宋文元

十三

十三

辛亥

三七三十二宋四二廿六八廿
元文

十四

十四

壬子

四六四十二二五三其九九其
魯文公齊文公楚之赤卒

十五

十五

春秋集傳

卷之首

春秋列國編年總譜

宋

癸丑

周魯齊晉宋陳蔡衛鄭曹杞滕
匡宣惠靈文靈文成穆文桓昭
五元元三三六四七二十其

許邾莒秦楚
昭定佗其莊
古六元元六

甲寅

周六二二古四七五其廿十三
崩匡
焚之

孟七二二七

乙卯

周三三晉五八六其廿十三
元定
元成
卒穆鄭

夫八三三八

丙辰

二四四二六九七三十
元靈鄭十三世
璧元
之

七九四四九
卒共秦

丁巳

三五五三七十八世

鄭元襄
十四世三

六十五

秦元桓
十

戊午

四六六四八十九世二五世四

九十六
二十二

己未

五七七五九十三世三六世五

二十七
三十五

庚申

六八八六十
十三世四七世六

三十三
八四十三

乙丑

十三三四五三六四九廿三望四

廿六

九六

丙寅

十四四五六四七五十廿三望五

廿九

十九

曹文卒

丁卯

十五五六七五十六十六廿曹望六

其三十

十二

宣元

戊辰

十六六七六六九七十三二望七

其廿二

十三

[illegible]

癸酉		甲戌		乙亥		丙子	
九	三	三	四	廿	五	周	元簡
三	十			五	十	六	
十	三			十	四	五	
二	宋			三	三	四	
十	元共			六	三	七	
四				二	鄭	四	
衛	元定			九	元悼	二	鄭
七		卒襄	卒鄭	五		十	
七		八	八	十		五	
九		十	十	五			
三							
四		五	五	六		七	
共		七	七	共		共	
七		六	六	九		十	
三		四	四	五		六	

卷之十一
四

丁丑

簡周魯齊晉宋陳蔡衛鄭曹杞滕
成頃景共成景定成宣桓文

許邾
靈定

秦楚吳
桓共乘

二七
圭六五圭八五元十圭六

八三

廿七

戊寅

三八
十六七六六九六二十二萬七

九卅二

其八

己卯

四九
七六七十七七三十三萬六

十卅二

廿九

卒頃

庚辰

五十
齊九八六十八四萬六九

元靈
景晉

卒

十二卅三

廿四

十

辛巳 六十二 晉九十九 五十五 三十

十三世

五十一

厲元

壬午 七十三 三十三 二十三 十三 十六 六十六 三十

十三世

六十二

癸未 八十四 三十四 三十三 廿四 十七 七十七 三十

十四世

七十三

子孫

甲申 九十五 四十四 三十三 十五 十八 曹卒 三十

十五世

八十四

卒定衛元成

卒丘渠萬
卒桓秦共

春秋集傳 卷之四 春秋列國編年總譜 下

戊子	丁亥	丙戌	乙酉
三	三	三	十
六	七	六	五
九	八	七	六
八	七	六	五
三	二	宋平元	卒
其	其	其	其
九	六	七	六
四	三	二	元
十二	十一	十	九
五	四	三	二
酉	空	空	空
二	元成滕	卒文滕	其
九	六	七	其
元宜邾	卒定邾		元
四	三	二	比
四	三	二	元
丈	七	六	其
			乘
			吳

卷之十一

己丑

周襄元

崩簡元

悼元

元

元

元

元

元

元

元

庚寅

周靈元

元

元

元

元

元

元

元

元

元

元

辛卯

元

元

元

元

元

元

元

元

元

元

元

壬辰

元

元

元

元

元

元

元

元

元

元

元

陳成卒

鄭成卒

鄭成卒

癸巳

周魯齊晉宋陳蔡衛鄭曹杞滕
靈襄靈悼平哀景獻僖成桓成

許邾莒秦楚吳
靈宣黎景共乘

九

甲午

五六五六九二五十四十一
杞

五七十一十

卒桓杞

乙未

六七六七十
共五十一杞九

共八十一五

之驪

元孝

丙申

七八七八十二四七十一
鄭三十一

七九三十一

元簡

丁酉 八九六九十二五其十三一酉三十一 其十三十三廿七

戊戌 九十九十三六其四三十五四十二 其十一酉酉其

己亥 十一十二十三十四七十三五四十六五十三 三十三十五十五其

庚子 十二十三十五八世十六五十七六十四 世三十六十六三 卒乘吳

辛丑

周魯齊晉宋陳蔡衛鄭曹杞滕
靈襄靈悼平哀景獻簡成孝成

許邾莒秦楚吳
靈宣黎景共遏

壬寅

三十四三十四七十三六七八六

三十五六六六楚二

元康

癸卯

十四十五廿四十五六十二廿四獻八二十九七

廿四六十九九一二三

晉悼卒

元殤

甲辰

十五十六廿五十九十二廿五獻九廿一十九

廿五十七三十三三十四

元平

二殤

乙巳

十六十七廿一二十十三廿六獻十廿二十九

廿六廿廿一四十五

卒宣邾

丙午

十七十八廿七三廿一十四廿七獻十一廿十三二十

廿七邾廿廿一五十六

元悼

四殤

卒成曹

丁未

十六十九廿四廿一十五廿八獻十二廿十三廿一

廿八二廿三廿一六十七

卒靈齊

五殤

元武

戊申

十九二十齊五廿三六廿九獻十一二四廿三

廿九三廿四廿四七八

元莊

六殤

春秋集傳

卷之首

春秋左傳卷之首

聖

己酉

周魯齊晉宋陳蔡衛鄭曹杞滕
靈襄莊平平哀景獻簡武孝成

許邾莒秦楚吳
靈悼黎景康遏
四比莒八九

庚戌

廿廿三三七廿六四二
獻十五四十六廿

望五共共九十

辛亥

廿廿三四八共九四二
獻十六五十七廿五

望六共共七十

壬子

廿廿四五九共七二十四
獻十七六十八共

望七共共十二

十殤共

元文杞共

九殤共

卒孝杞共

八殤共

殤

癸丑

廿四廿五

之

十六

廿八

廿四

廿六

廿七

廿一

廿八

廿九

三十

甲寅

廿五廿六

元景

十一

廿九

廿二

廿四

廿五

廿六

廿七

廿八

廿九

乙卯

廿七

廿八

廿九

三十

廿一

廿二

廿三

廿四

廿五

廿六

廿七

丙辰

廿七

廿八

廿九

三十

廿一

廿二

廿三

廿四

廿五

廿六

廿七

崩

靈

周

廿七

廿八

廿九

三十

廿一

廿二

廿三

廿四

廿五

元悼

許

十

廿一

廿二

廿三

卒靈

許

九

廿三

廿四

廿五

元祭

餘

吳

卒

巢

門

遇

吳

卒康

楚

五

三

丁巳

周魯齊晉宋陳蔡衛鄭曹杞滕
景襄景平平哀景獻簡武文成

卒

許邾邾莒秦楚吳
悼悼黎黎景邾餘
三十三比三三教四祭

戊午

二二五五三三六四
衛三十三七三

緞絨之元襄

四十三世四世四二
吳

夷味年

己未

三十一六十六世七
魯襄襄魯靈蔡二四十三八三

元靈

黎比絨黎比黎比

五十四世五世五三二一

庚申

四魯七十七世五八
昭元

六圭邾莒莒莒莒
悼邾上著莒莒莒
卒元入之國絨

邾

辛酉 五二八六共共三四共五十世

七邾二世楚四

元莊

元靈

壬戌 八三九九世三四五共六十一世

八二三共二一五

卒成滕共

癸亥 七四十三共世五六共七十三世

九三四共三六

元悼滕

甲子 八五十三共世二六七共六十二世

十四五罕四七越

卒景秦

乙丑

周魯齊晉朱陳蔡衛鄭曹杞滕
景昭景平平哀靈襄簡武文悼
九六十三世四世七三八三九世三

許邾莒秦楚吳越
悼莊皆哀靈夷
十五邱元五味
六八

丙寅

十七十三世四世四八九世三
衛襄元平杞四

十六七二六九

丁卯

十八十四世四世五九
陳哀陳靈世世二五

十七八三七十

戊辰

十九十五世四世十二世三
陳緡陳滅元

十八九四八十一

己巳

三十三

其國
卒平晉
卒平宋

十三
世四
世三
四七

十五
九十五
九十二

庚午

古十七

晉宋
昭元
元

十三
世四
世五
世八

十六
十七
十六
十三

辛未

五十二
六十二
二

五世
世六
世九

十七
十七
十七
十四

壬申

六十三
九十三
三

陳蔡
惠平
定鄭
其七十

十八
十八
十八
十五

復國
復國

楚
生
弑
楚
楚

癸酉

周魯齊晉宋陳蔡衛鄭曹杞滕
景昭景昭元惠平靈定武平悼
七古二十四四二二七二七八十二

許邾莒秦楚吳越
悼莊邾哀平夷
九三九元味
葬

甲戌

六十五五五三三八三曹九十二
元平

庚吳
元與
古莒十二七

乙亥

九十六六六六四四九四二十十三
晉昭卒

吳
元僚
廿五二十一三

丙子

二十七廿三
晉頃元

四二
廿六三十三

丁丑

廿六廿四二八六六十六四十三五

廿七四十三五三

戊寅

廿九廿三九七七三三七曹三六

元悼

廿六五十四六四

己卯

三十三共四十八入三二四七

蔡哀卒

許九六五七五

庚辰

廿廿七五十九蔡西九三五六

朱奔悼元

二二七六八六

辛巳

周魯齊晉宋陳蔡衛鄭曹杞滕
許邾莒秦楚吳越
崩景昭頃元惠悼靈定悼平悼
三廿六十二五十四未九
斯莊庚哀平僚

壬午

周敬元出子朝立
廿九七十三十三十六十五七十三
蔡悼卒楚昭元
四廿九十八
庚與奔入郊

癸未

二廿三八十四十二
蔡昭元
七十三六十六廿
杞平卒
五廿九十二九
邾郊元

甲申

三廿卅一九十五十三二六十三七
魯昭齊孫元宋杞杞
齊孫昭齊孫元宋杞杞
六廿二十二十三十

乙酉

四共世三十
宋十四三十九
八二共

七共三廿三十一

天魯

成昭

子朝居

奔鄆

元景

卒平楚

丙戌

五共世三十二
五四三十五
九三共

八共四廿三十一

卒悼曹

昭之

丁亥

六共世四十三
三六五廿
共曹四共

九共五廿三十一

卒定鄭元聲

卒悼滕

元閻闕

戊子

七共世五十三
四七六廿
鄭二五共

十共六廿三十一

元獻鄭

元頃滕

己丑

周魯齊晉宋陳蔡衛鄭曹杞滕
敬昭景頃景惠昭靈獻聲悼頃
八三共古五六七廿二
侯在釐卒
士斯莊郊哀昭閭
土芄七廿四三
越

庚寅

九世七晉六十九八廿三四七三
元定
卒獻
三三十八共五四

辛卯

十世三共二七十九廿四五六八四薛
魯昭薨昭曹聲曹襄
侯乾薨昭曹聲曹襄
元

壬辰

土魯芄三八廿十共五曹九五二西世十共七六
元定
元隱
元

癸巳

十二 四 九 廿一 廿七 六 二 十 六 三 五 廿一 九 八 七

甲午

十三 五 十 廿二 廿七 三 十 七 四 六 廿三 九 八

乙未

十四 六 十一 廿三 廿八 四 十 八 五 七 卅三 十九

丙申

十五 七 十二 廿四 廿九 五 十一 九 六 六 二 卅四 二十 越

殺子朝

懷元

靖隱元

僖元

復國

吳入

卒惠陳

卒隱悼曹

元隱

齊魯

卒莊邾

丁酉

周魯齊晉宋陳蔡衛鄭曹杞滕薛許邾莒秦楚吳越
敬定景定景懷昭靈獻靖僖頃襄斯隱郊哀昭閻

去六器八十三二五世十二二十七元三十五世三閻

土

戊戌

七七器九四三六世三十三三十八許四去四三十三

元元

復國

己亥

六八器十五四十七世三十四四十三九二五七器六十三

陳懷

曹靖

卒

卒

庚子

九九器十六陳六世四十五曹五十三三十六六世五十四

閔元

鄭陽

卒

秦哀

卒

辛丑

三十 冥 三十七 二十九 卅五

元聲鄭

二六 四十四 七十九

元惠秦

六十五

壬寅

廿一 四十三 六十三 三十三 卅六

二二三 七十五 三十五 八十二 二十七 六

癸卯

廿二 卅四 九十四 廿七 三十四 八十六 三十三 六十九 廿三 三十九 七

卒襄薛

甲辰

廿三 卅五 五十三 廿六 四十五 九十七 薛七十 廿四 九十六

弒元比

春秋集傳

卷之首

春秋列國編年總譜

卒

乙巳

周魯齊晉宋陳蔡衛鄭曹杞滕薛許邾莒秦楚吳越
敬定景定景閔昭靈聲陽僖頃惠元隱郊惠昭閭句
苗西垂大廿六廿七廿九五六十八廿三十五

丙午

共魯齊晉宋陳蔡衛鄭曹杞滕薛許邾莒秦楚吳越
苗五垂七廿七廿九廿二九十三廿四六廿
卒定魯
元差夫吳
吳敗

丁未

共魯齊晉宋陳蔡衛鄭曹杞滕薛許邾莒秦楚吳越
元哀
報越
滅

戊申

共魯齊晉宋陳蔡衛鄭曹杞滕薛許邾莒秦楚吳越
廿二垂九廿四九廿六八廿七八廿九十三廿四十六廿八廿
入戚
二卒
靈衛
八九十三廿四十六廿八廿
叔夫越
三

己酉

其三十廿十廿廿衛九十廿其五十二廿九廿四

元出

卒惠秦

封復越

庚戌

其四廿廿其廿其二十廿其廿六廿其秦廿五

弑昭蔡

卒頃滕

元悼秦

辛亥

其五其廿其廿三其三其六其七其廿二其六

卒景齊

元成蔡

元隱滕

壬子

世六齊其廿二四十三廿七二八五十六其三其七

元茶陳之

卒昭楚

三

癸丑 明魯齊晉宋陳蔡衛鄭曹杞滕薛許邾莒秦楚吳越

敬哀悼定景閔成出聲陽僖隱惠元隱邾莒悼惠夫句

世七元苗芑苗三十五三六三九六九世四元差踐

甲寅 世八二苗三苗四六苗五九四十七三三三五二九

亡國杞卒僖杞復隱邾

乙卯 苗九三其世六五七五杞五十六邾六三十

元閔杞五十六邾六三十

丙辰 世十四世三十七六八六二六三九七四十一

卒悼齊卒惠薛卒邾

丁巳

廿一齊
其廿六
七九
七

三七
二

八五
三

元簡

卒隱
滕

戊午

廿七
十二
廿四
九八
十六
四四

廿

九六
十三

卒
隱

己未

三十三
三十三
廿九
十九
九

五

卒元
許

十七
十四

吳入

庚申

廿九
十四
四
廿六
廿十三
三

六

十二
八

麟獲

春秋集傳

卷之首

春秋列國編年總譜

全

諸國興廢

依林堯叟括例始末

周

姬姓帝嚳之子棄爲農官堯封之於有郃是爲后稷及

遷

幽至太王避狄難又自幽遷岐乃改號周太王季

始

受命爲方伯子文王爲西伯遂三分天下有其二武王

克

商而有天下傳及幽王爲犬戎所殺幽王子平王東遷

洛

邑而棄西州之地於秦平王四十九年爲魯隱公元年

春

秋於是託始歷桓莊僖惠襄頃匡定簡靈景悼敬凡十

四

王敬王之三十九年魯哀公十四年春秋終後五年敬

王

崩

魯

姬姓侯爵文王子武王弟周公之後周公之子伯禽始

封

於魯國於少皞之墟北踰汶而望岱山西踰濟東包

蒙

山南撫淮夷實禹貢徐州之境都曲阜今山東兗州府

曲

阜縣凡今兗州府及東平濟甯沂州海州皆魯地也魯

公

九世孫曰惠公弗皇惠公子隱公息姑元年春秋託始

歷

桓莊閔僖文宣成襄昭定哀凡十二公哀公十四年春

西

狩獲麟春秋終共二百四十二年自哀公而下凡九君

二

百三十二年而頃公讎爲楚考烈王所滅遷爲家人

春秋

火食專

諸國興廢

三

齊

姜姓侯爵出自神農之裔四岳之後商末太公望為周

後

文武師佐武王定天下以功封營丘為齊侯初都薄姑

山

東齊國臨淄其地東至海西至河南至穆陵北至無棣今

抵

皆其地也齊僖公祿父之九年為魯隱公元年至簡公

之

四年當魯哀公十四年其後三君一百單一年齊康公

卒

姜氏絕田和篡齊有其國

晉

姬姓侯爵出武王少子唐叔虞之後成王封叔虞於唐

沈

之墟禹貢冀州之野居太原今翼城縣後又徙居新絳

今

絳縣在今山西太原平陽等府大抵皆其地也晉鄂侯

二

年為魯隱公元年至魯莊公十六年曲沃武公兼翼至

晉

定公午三十一年當魯哀公十四年其後又六世而其

臣

魏斯韓虔趙籍三分晉地

宋

子姓公爵微子之後初微子見紂無道遂抱祭器遷之

王

立武庚叛成王命周公誅之乃更求微子得之而封於

宋

為宋公修商禮物作賓王家都於商丘今河南歸德府

地在禹貢徐州之野今河南歸德江南徐州皆宋地也宋穆公和之七年當魯隱公元年及宋景公三十六年當魯哀公十四年後六世二百單

七年而齊楚魏共滅其國陳媯姓侯爵帝舜之後封於有虞虞幕之裔孫閼父爲周陳陶正能利器用武王賴之以元女大姬妻其子滿而封諸陳使奉虞祀以備三恪是爲胡公其地在太皞之墟都宛丘爲禹貢豫州之野西望外方東不及孟諸今河南陳州卽其地也自胡公傳申公十世至桓公鮑之二十三年當魯隱公元年其後至魯昭公八年陳哀侯之三十五年卒而國爲楚靈所滅及魯昭公十三年楚平乃復封陳陳惠公復國至陳閼公二十一年當魯哀公十四年後三年楚惠王使公孫趙滅陳

蔡姬姓侯爵周文王子叔度之後初武王使弟管叔蔡叔東都乃知流言所自起成王感風雷之變始悟而迎周公以歸管蔡遂及武庚叛成王乃命周公東征滅殷辟管叔囚蔡叔蔡叔之子仲克庸祇德周公以爲己卿士叔卒乃命諸成王而封之蔡其地在今河南汝甯府上蔡縣爲禹

貢豫州之野後九世孫蔡宣公之二十八年為魯隱公元年至魯昭公十一年蔡靈侯為楚所滅十三年楚平復封蔡蔡平公復國至蔡成公十年當魯哀公十四年後三十四年而滅於楚

衛姬姓侯爵周文王子康叔封之後武王封康叔於衛都朝歌本商紂之舊都其後又并有邯鄲地在禹貢冀

二州之間為顓頊氏之墟今河南衛輝彰德及大名等府及山東東昌濮州皆其地也衛桓公之十三年為魯隱公

元年及魯閔公二年衛懿公為狄所滅次年文公立自漕徙於楚丘後又遷帝丘而朝歌地入於晉至衛出公十二

年當魯哀公十四年後十一世聲公之子速自貶稱侯速孫嗣君更貶號稱君而止有濮陽之地後六世而秦二世

滅之廢其君為家人

鄭姬姓伯爵周厲王少子友之後宣王以母弟懿親封弟鄭友於鄭本在西周畿內今陝西西安府臨潼縣咸林是

也幽王之亂友寄帑於號檜之間遂兼取檜號之地而施舊號焉都於滎陽是為新鄭其地本火正祝融之墟北濱

大河西及嵩嶽東有中牟圃田今河南開封之鄭州即其地也王子友死於犬戎之難諡為桓公子武公掘突孫莊

公寤生世為周卿士莊公二十二年為魯隱公元年及鄭
聲公二十年當魯哀公十四年後一百單四年而韓侯滅

曹姬姓伯爵周文王子叔振鐸之後武王封振鐸於曹在

十世孫曹桓公終生之三十五年為魯隱公元年

杞至魯哀公八年曹伯陽之十五年為宋所滅

杞公而封之杞夏后氏之後武王克商求夏之後嗣得東樓

是其地也雍丘即今之杞縣後遷緣陵又遷濇于濇于即

州國也州公自棄其國而奔魯杞蓋因有其地但濇于在

城陽近莒郊淮夷間去雍丘甚遠杞不應越千里而遷此

大抵杞國在今山東沂莒二州之間耳杞武公之二十九

年為魯隱公元年至杞閔公之六年當魯哀公十四年後

又降稱杞子而國滅於楚○杞本侯爵後降稱伯因用夷禮

滕姬姓本侯爵文王子叔繡之後也魯隱公十一年滕宣

公朝魯始見於經稱滕侯後降稱滕子魯哀公十一年

季次良專

卷之百 諸國興廢

滕隱公卒後難詳考後六

薛任姓本侯爵奚仲之後也魯隱公十一年薛獻公朝魯

後始見於經稱薛侯後降稱薛伯魯哀公十年薛惠公卒

世蓋滅於齊後

許姜姓男爵堯時四岳之後武王封其裔孫文叔於許今

遷魯定公六年鄭人滅之而許元公復國及元公

之子結之元年當魯哀公十四年其後未詳所終

邾曹姓子爵俗雜東夷陸終氏第五子晏安之後也曹挾

子後九世邾桓公革之六年當魯哀公十四年其後又改

號鄒後及魯俱滅於楚○先儒以今兗州府鄒縣為邾國

之地此恐末的大約邾國在淮沂莒

海之間後蓋為魯所遷而在鄒耳

莒嬴姓子爵俗雜東夷與秦同祖武王封茲與期於莒今

秋莒其公庚與而後微不

復見其後四世而楚滅之

秦

嬴姓伯爵伯益之後伯益十九世孫非子為周孝王牧

今陝西之秦州是其地也其後秦仲為宣王大夫伐西戎

死之及犬戎滅周秦襄公與諸侯共立平王平王乃命襄

公為諸侯使逐犬戎曰能逐犬戎盡有西周之地秦出是

遂強大徙都咸陽秦文公四十四年為魯隱公元年秦悼

公十一年當魯哀十四年後九世秦孝公用商鞅變

法度孝公之子惠文遂僭稱王至始皇而併有天下

楚芊姓子爵祝融之後其弟曰吳回生陸終陸終少子季

連之裔孫鬻熊為文武師成王時乃封鬻熊之曾孫熊

繹於荊今湖廣枝江縣是也其後徙郢更號楚郢今之安

陸府也後五世而熊通僭稱武王熊通之十九年當魯隱

公元年及楚惠之八年為魯哀公十四年後與秦

齊燕趙韓魏號曰七雄十一世至負芻而滅於秦

吳姬姓子爵傳又云伯爵初太王三子長泰伯次仲雍次

有聖德於是太王有翦商之志而泰伯不從泰伯遂與仲

雍逃之荊蠻泰伯居吳端委以治周禮荆蠻歸之遂為句

吳君長泰伯卒無子仲雍嗣立順吳之俗以撫羣蠻鮮通

中國及魯成公六年吳子乘始見於經後及夫差十五年

事火良事

卷之五 諸國興廢

五

當魯哀公十四年又

越之姓子爵夏少康之後別封於越都諸暨今浙江紹興

經越允常之子句踐遂滅吳後四

以上諸國朝聘會盟征伐交見於經與春秋相終始其

世次多可考見於年譜吳越之先世次亦無考而春秋

實以吳越終故併見於前其有罕見於經及未幾而先

滅及世次無可考者則更類紀於左

北燕姬姓伯爵召公奭之後封於薊上今京師之地古舜

七年實魯隱公元年及獻公十七年當魯哀公

紀姜姓侯爵地在東莞劇邑

今山東萊州也為齊所滅

虞姬姓公爵仲雍之曾孫周章君吳其弟曰虞仲武王求而封之夏墟地在今山西太陽十二世而晉獻公襲虞

滅之號也此西號也姬姓公爵號仲之後號仲號叔皆文王母弟

周室東遷號公忌父林父為周卿士魯僖公五年晉獻公假道於虞以伐號遂滅之

小邾曹姓邾挾之後夷父顏之子友別封於邾為附庸地

乃以王命進爵為小邾子

隨姬姓侯爵未詳始封地在今湖廣隨州

徐贏姓子爵於西周時嘗僭稱王其後乃日衰弱地在

南燕姑姓未詳封爵地近

息媯姓滅巴夔楚皆近穀鄧姓曼舒鳩黃江二國會盟於

於楚滅巴夔楚皆近穀鄧姓曼舒鳩黃江二國會盟於

春秋左傳卷之五 諸國興廢

齊桓道柏弦羅那舒庸庸麋頓沈

舒卻厲賴唐戎蠻郎權絞蓼六

貳軫英氏桐胡以上諸國皆滅於楚其封國所始多不可詳羣舒種類不

一惟英六乃皋申姜姓侯爵四嶽陶庭堅之後也後滅於楚

荀亦作郇文賈霍蓋霍叔魏畢公高韓武王之後耿

冀皆中國之白狄赤狄種類不一肥鼓潞鮮虞甲氏

留吁陸渾此皆戎狄之國溫本王畿內蘇子之國後滅於晉者

文公原亦畿內之國王以賜晉

梁芮皆滅於秦伯爵滅於秦崇近秦都近楚國為

萊譚遂盧夷鄆皆滅於齊郕姬姓伯爵國在齊魯之間後未知所終蓋

亦併郭

宿男爵為宋所蕭宋別封附庸為楚偪陽吳宋間國晉滅

邲邲宋間

巢滅於

向姜姓滅於莒極邾鄆皆滅須句風姓滅於邾顓臾

魯附鄆滅於莒其地鄭瞞長狄侵魯見敗

邢姬姓侯爵今廣平邢臺

戴滅於

州公爵出奔國

項近楚國齊徐滅邾嘗來朝魯其國未邾子爵今邾城縣

春秋集傳卷之五 諸國興廢

詳所介根牟葛牟皆東夷國嘗朝於魯

黎國近晉衛為狄所滅後晉復封黎焦近晉揚夷國近齊魯密郝姒孽

房任諸國皆小未詳所終

凡祭單劉甘周召毛皆畿內之國

列國春秋世次相承見於編年總譜矣其輿地所在則略見於分壤圖說惟是分封所由始及兼併所終則非圖譜所能載故復述此諸國廢興以附於年譜之後其已詳於譜者茲不復述而譜所不及載者亦於此并見焉

春秋災變總說

天道遠矣冥漠者不言之表然而變化云爲吉事有祥是故書言降格詩詠十月之交伊洛竭而夏亡河漳絕而商滅岐山崩而周微古今所記不可誣也災祥之見無世無之而或則咎徵屢見國以治安或且上瑞駢臻國以危滅又或者休咎雜呈莫知所適此何故與洪範曰王省惟歲卿士惟月師尹惟日夏書先王克謹天戒臣人克有常憲百官脩輔厥后惟明明蓋人者天地之心參爲三才氣息實有以相通者天之所爲人不能強人之所造天不克違故順德所感而順氣應之順氣成象而嘉瑞彰焉凶德所

感而逆氣應之逆氣成象而邪慝起焉見瑞而荒瑞妖孽也遇災而懼災吉祥也古聖人事天如事親焉聽於無聲視於無形惕厲奉承反躬惟恐失墜是以祲祥變異史冊畢書天則何心惟人自勵也若迺視日月之薄食信爲天有常行覩寒燠之違時謂適然之氣數則是矯誣上天罔可念聽以肆然民上而災禍隨之不可追矣感召之微各以類應理有固然然或者執一說以相求謂天道如斯不爽也我不敢知知以敬承之卽天心之仁愛矣董子春秋繁露劉向洪範五行其說災變詳矣而先儒或不取焉謂其爲已泥也

或問春秋繁露如何朱子曰尤延之以此書爲僞某看來不是董子之書茲用撮

春秋經傳所書日食星變及寒燠雨暘之忒山川動植之祥列爲橫表使君子觀其概焉於二百四十二年禍亂所超江河日下則天地與人順逆之符大略於斯可睹噫其唯聖人乎清明在躬志氣如神凡物將至有兆必先非聖人孰能於不言之表而默契焉者乎

春秋日食凡三十六

星變五

僖公十六年隕石於宋五左傳曰星也

震

二

以不時以誅慝

雨雪四

一以震而後雪三以不時

雹三

爲災

大水九

無冰三 不雨七

僖公二年三年每時一書文公不雨者三皆厯時總書

大旱

一 火災十二

隕霜之變二

一當殺不殺一未可殺而殺

蝻螟十

五 羽毛蟲豸之變五

獲麟亦災變也

饑三無麥苗無麥禾各

一 山崩二 地震五 雨木冰一

其餘傳所他考不書
於經者不在此數

日食
星變

霜雪震雹
寒燠水火

鳥獸蟲螟
神怪妖異

饑歉

山川崩溢
地震

己未

隱元年

辛酉

二月己巳日食

傳

八月有蜚

癸亥

螟

甲子

傳
京師饑

丙寅

九月螟

丁卯

三月癸酉大雨雹電
庚辰大雨雪

庚午

秋大水

桓元年

甲辰	十七年	己巳三月日食		春多麋		
丁未	十八年		夏齊大災	秋有暵		
辛亥	二十年		八月大水			
壬子	廿四年	六月辛未朔日食	秋大水			
癸丑	廿五年	十二月癸亥朔日食				
乙卯	廿六年				大無麥禾	
丙辰	廿八年			秋有蜚		
丁巳	廿九年	九月庚午朔日食				
戊午	三十年		冬不雨			
卅一年						

辛巳年	五月乙巳西宮災		
壬午年	夏大旱		
廿一年	秋大雨雹		
庚寅年	冬隕霜不殺草		
甲午年	李梅實		
卅三年	二月癸亥日食		
乙未年	自十二月不雨至於秋七月		
丙申年		秋雨不繼於宋	
丁酉年		冬無冰	
壬寅年			九月癸酉地震
癸卯年			
九卯年			
甲辰年	自正月不雨至於秋七月		
十辰年			

丁未	自正月不雨至於秋七月		
十三年	太極星		
戊申	秋七月有星孛入於北斗		
十四年			
己酉	六月辛丑朔日食		
十五年			
庚戌	毀泉臺	傳有蛇自泉宮傳楚大饑	
十六年		史於國如先君數	
乙卯	如牛口傷敗卜		
宣三年	牛牛死		
戊午	秋八月益		
六年			
己未	大旱		
七年			
庚申	秋七月甲子日食既	傳晉獲秦謀殺	
八年		諸將市六百而蘇	
壬戌	夏四月丙辰日食		
十年	秋大水		
乙丑		秋益	
十一年			
		冬饑	

丁卯 十五年			秋 冬 生	饑	
戊辰 十六年	夏成周宣榭火		冬大有年		
己巳 十七年	六月癸卯日食				
辛未 成元 年	二月無冰				
癸酉 三年	新宮災				
乙亥 五年	秋大水				梁山崩
丁丑 七年		饑鼠食郊牛角 改牛又食其角			
丙戌 十六年	六月丙寅朔日食	正月雨水冰			
丁亥 十七年	十二月丁巳朔日食				
乙未 襄七 年		八月			

丁酉	九年	春宋災		
壬寅	十四年	二月乙未朔日食		
癸卯	十五年	八月丁巳日食		
甲辰	十六年			五月甲子地震
戊申	二十年	十月丙辰朔日食		
己酉	廿一年	九月庚戌朔日食		
辛亥	廿三年	二月癸酉朔日食		傳 周穀洛關
壬子	廿四年	七月甲子朔日食既	秋大水	大饑
乙卯	廿七年	八月癸巳朔日食		
丙辰	廿八年		春無冰	傳 宋鄭饑

春秋左傳卷之二十一 春秋左傳卷之二十一

戊午	三十年	五月甲午宋災				
壬戌	昭三年	冬大雨雹				
癸亥	四年	正月大雨雹				
乙丑	六年	傳	鄭伯有爲祟			
丙寅	七年	四月甲辰朔日食				
戊辰	九年	四月陳災				
己巳	十年	齊有星出於婺女				
甲戌	十五年	傳				
乙亥	十六年	見赤黑禳				
丙子	十七年	傳				
冬有星孛於大辰		早鄭大旱				

丁丑

五月壬午宋衛陳鄭災

十八年

戊寅

十九年

庚辰

七月壬午朔日食

廿一年

辛巳

十二月癸酉朔日食

廿二年

壬午

廿三年

癸未

五月乙未朔日食

廿四年

甲申

廿五年

乙酉

齊有暈

廿六年

戊子

廿九年

庚寅

十二月辛亥朔日食

卅一年

傳鄭有龍鬬於洧淵

五月己卯地震

巢夏有鸛鵒來

傳龍見於絳郊

八月乙未地震傳八月十有風

壬辰	定元年	癸巳	二年	丙申	五年	癸卯	十二年	丙午	十五年	丁未	哀元年	己酉	三年	庚戌	四年	壬子	六年	戊午	十二年
				三月辛亥朔日食		十月丙辰朔日食		八月庚辰朔日食								傳楚有雲如赤鳥夾日以飛			
十月隕霜殺菽	五月壬辰雉門及兩觀災											五月辛卯桓宮傳宮災		六月辛丑亳社災					
								鰥鼠食郊牛	鰥鼠食郊牛	鰥鼠食郊牛								十二月蠶	
				蔡餓															
												四月甲午地震							

己未十月有星孛於東方

九月

十三年

庚申


春西狩獲麟

十四年

星變始於莊王室益替而霸興也星孛見於文霸者衰而
弑君之禍熾矣日食之頻莫甚於成襄君權盡失而私室
日強也地震始紀於文而頻見於昭下之不靖不可止也
自昭以後星孛再見而春秋以吳越終趣於戰國矣其他
戾氣所干隨感而應惟人君不知所戒是以日卽於危亡
詩云其何能淑載胥及溺又曰下民之孽匪降自天然則
必之天乎必之人也宋襄失問史興譏焉魯僖憫雨春秋
賢之是可以知聖人之意也

列國分壤圖說

不揆其事之始終不足以知其可否不揆其時勢之可否不能以斷其是非春秋時國壤錯繡小大雜處不審夫當日之情形又何以知其叛服不甯之故與然去古日遠郡國屢更莫詳故處在杜氏當日所考已不能無疑況二千餘年之後乎顧經傳互參得其略焉則要之不離近是坊刻有東坡指掌圖列於卷首因略爲考訂俾覽者得形勢之概焉以爲悉合乎當日之封壤也則未敢必矣





魯都曲阜邾在鄒縣去曲阜僅數十里不應相逼如此且諸費蒙陰又皆遠在鄒國之東東接齊莒是越國以鄙遠也邾文公都繹魯頌保有鳧繹繹山在鄒縣之北又繹縣今屬兗州府在淮邳之北是魯與徐接境處二繹未知孰鄒孰魯也在鄒之繹山今作嶧繹縣有葛繹山作繹經傳通用嶧繹要之邾本近淮夷徐宋當魯境東南後或漸弱魯人逼而遷之以爲內屬故近曲阜與

杞在陳留河南開封府杞縣此則近陳宋而遠魯州在洧于在城陽則今莒州屬地州杞相去絕遠杜氏謂洧于公亡國杞蓋併之然桓四年莒人伐杞取牟婁牟婁在諸城

縣東北則是杞本與州莒相近也非自陳留遷滄于矣又杞縣近宋而遠魯而杞國則始終事魯不聞事宋杞國當在今莒州海州之間非今之杞縣也

宿在東平無鹽東平則齊魯之交去宋已遠不應宋人逼而遷之淮西宿州今隸江南當宋之東南宿州蓋古宿國非東

平也

又邳州有宿遷縣今亦隸江南

江黃道柏皆近楚黃在弋陽則去郢何啻九百里柏舉在蔡東南江黃當亦近之今湖廣黃州宜是古黃國非饒州之弋陽也

豫章今江南之西偏南昌柏舉之戰吳人舍舟淮汭自豫

章與楚夾漢是豫章在淮南漢北非今之江西也

其餘都邑古今異同多有未得其實者未能盡載

春秋紀時總說

春秋首時以紀事有記時月日者有記時月而不日者有記時而不月者有以時記而又以月記者蓋多因舊史成文有詳有略非盡義例所關然大要戰伐會盟而書日者意有所謹也有不日者重輕可否無繫於日也有不月者事非一月則統以時時至而月未至已交月節則先以時而未朔也事在所略則概以時也前事舉時而繼又詳其月日始事不繫之月日而繼事有當詳有所謹也喪紀外赴或不月或不日赴辭略也內大夫或日或不日恩之次也外葬或不月不日內所輕也祭必日日事也雩不日不日也非

日事也朝聘不日非日事也

傳二十八年壬申公朝於祭王所變例也亦謹之也

有不日義不繫之日也

僖八年秋七月禘於太廟用致夫人不繫之日災變或日

或不月不日非一月一日也一日災變而亦有不日者史

略也春秋不記閏月併於其月也書閏者二閏不告月棄

閏也

文六年

葬齊景公併閏也

哀五年

故書閏謹之也古之閏

月皆在歲終文公元年於是乎閏三月左傳曰非禮也先

王之正時也履端於始舉正於中歸餘於終蓋積氣盈朔

虛之數以附於歲末故三年一閏五年再閏積十九年七

閏而成一章此古人之法僖七年傳閏月惠王崩襄九年

傳閏月濟於陰阪侵鄭

杜注以長厯參校上下此年不得有閏月戊寅愚按此年似當有閏

但閏月不得有戊寅日蓋日誤耳昭二十二年王室之亂傳記閏月晉人

濟師取前城此皆閏月在歲終也襄二十八年冬十二月

甲寅天王崩距四十二日乙未楚子卒杜以爲日誤是亦

閏在歲終之徵也襄二十七年冬十二月乙亥朔日食傳

年春無冰杜氏謂舊冬以日在申之故頓置兩閏故經得

以春無冰而書災愚按一年不容頓置兩閏蓋舊歲置一

閏今歲復置一閏耳略以歷法推之舊冬不閏則此年正

月當乙巳朔舊冬置一閏則此年正月得乙巳朔或甲辰朔或甲戌

朔舊冬置兩閏則此年正月得乙巳朔或甲辰朔或甲戌朔此年

正月乙亥朔或甲戌朔則十二月得乙巳朔或甲辰朔或甲戌朔此年

中有甲寅無乙未如舊歲置兩閏此年正月得乙巳朔或甲辰朔或甲戌朔此年

辰朔則十二月當己巳朔或戊辰朔此年正月得乙巳朔或甲辰朔或甲戌朔此年

乃月中既有甲寅又有乙未則是舊歲置一閏今歲又置

一閏皆於歲終明矣甲寅天王崩十二月之十六日或十

七日也乙未楚子卒閏月之二十七日或二十八日也不

書閏月者古人併數閏月之日於終月以別於月之正也

春秋紀時總說

三

春書無冰者舊歲補一閏時未盡正故正二月尙無冰然三月當堅冰而三月又無冰則非司歷過之故而恆燠也故不書其月而總一昭二十年傳記春王二月己丑朔日時書之日春無冰也

南至此失閏也中氣入下月則前月正當置閏矣是年閏

月衛以齊豹之亂殺宣姜閏在九月八月間蓋亦非禮也

蓋以中氣不正之故不能待歲終故急於置閏也不然則秋既平亂至冬歲杪閏月始殺宣姜傳因事而竟言之亦未可閏在歲終何也曰揅歸奇於劫歲歸餘於終古人之

法也經不書閏何也曰玉藻曰閏月則闔門左扉立於中

是古人不等閏於常月別正餘也古人之紀日不以三旬

如初一初以甲乙其繫之月則曰朔一日望十五日晦月

二之類曰旁死魄二日哉生明日朏三日既望日既生魄十日

日皆三日既望日既生魄十日皆十日

日越若干日不以旬日數日故得併閏日於前月而統數之夫閏以正時猶臣之輔君臣不與君並是以定時成歲則閏所必重而以常統閏則閏可不書或時之首月無事亦書備四時也閏月有事可書亦略別正餘也志常月不志閏月志日食不志月食猶斯志也今之閏月何以不在歲終曰積餘成月則置之使中氣不入下月故前卻不過半月時正而有常矣不必古也杜氏所推長厯非歟曰以顧氏炎武之說考之則杜氏所推置閏殆未是也然經傳月日多有不合亦以數百十年之遠傳聞異辭又不盡以閏故也不能悉合矣以今厯法校之可乎曰古今厯法有

不同大約古歷節氣均分今以日躔宮度所定則節氣有時而交一節氣以宿度有關狹日行有盈縮故也古月大小盡以相問而成今以月日正交爲朔則有三大小者以月之行度有遲速故也月日正交爲朔則有三大小者冬春節氣數夏月則有三小冬月則有三大雖校之適多異耳時以統月月以統日編年紀事其體固然紀載有謬無關乎事之重輕雖學者不可不知然非研經之切務也

春王正月考異

首書春欽昊天也四時天之所運王者奉承之而已故書
春於王正之上也次書王正月三正迭建王者所得與民
變革故正繫之王大一統也正政也王者布政必於歲首
故首事之月謂之正月夏正寅也商正丑也周正子也左
氏傳曰元年春王周正月是也正爲周正先儒之說多同
蔡九峯獨於伊訓元祀十有二月傳則云三代改正不改
月且力旁引證之今人多有是其說者然以春秋經考之
桓十四年春正月無冰成元年二月無冰無冰而書者以
子丑之月正藏冰時而恒燠無冰書之紀異也若夏正則

寅卯月冰泮之時無冰不足異矣桓十四年秋八月嘗以周八月實夏六月故嘗書不時若夏正酉月則常事不書矣定元年十月隕傷殺菽以周十月實夏正八月非嚴霜時故書若亥月則霜之殺菽不足異而菽亦已成矣卽此數端可見周之改月而春秋不用夏正也且王者奉天而諸侯尊王王不奉天則失職諸侯不尊王則誅此禮之大經也仲尼作春秋以惇典庸禮乃周王建子而孔子改用夏正是變禮易法以干先王之誅罪之大者烏所爲尊王之書從周之志歟如謂三代惟頒朔授時則三正迭用而紀月則皆以寅月起數則寅月非周王頒正之月亦以當

謂之一月而何以謂之正且寅月起數三代所同又何必
別之謂王正者三代改正改月而商用丑正迺伊尹奉君
見祖迎王歸亳皆只稱十二月何也曰三正可以迭建而
月則有可改不可改之分寅月三陽畢達人事首興以寅
起數正也子月一陽始生長日初至以子起數亦正也若
丑月則可建爲正而難以起數是以商書雖以丑月首事
而仍十二月之稱秦用亥正旣無取義然亦以亥月難於
起數是以仍稱十月與周正異矣近儒謂秦之建亥只謂
之改年始不爲改正亦遞辭也然左傳梓慎曰火出於夏
爲三月於商爲四月於周爲五月則商人亦嘗以丑月起

數但商人多質故史猶仍夏正之月以紀事耳周正改月而風雅所詠則多仍夏時蓋夏正得天三代襲用故頒朔凜於時王感時時或從夏不可泥一端以定論矣故周禮以正月之吉始和布治於邦國都鄙乃縣治象之法於象魏使萬民觀治象挾日而斂之其曰始和則夏正建寅之月也正歲帥治官之屬而觀治象之法其曰正歲則周正建子之月爲歲首也柯氏曰太宰斟酌一年之治法以正歲縣於天官之府小宰帥治官之屬觀之乃頒行於天下至正月之吉縣於象魏則令天下各以其日縣之蓋以改歲言則曰正歲以始月而言則曰正月也蓋古人之所稱正月者有三正歲之月王者建正之是矣月也始和之月民事方興之正也純陽之月陽道正亨之

月也

建巳之月詩所咏正月繁霜傳所謂正月應未作皆此巳月也

史紀國事主於尊王

故正歲之月別之爲王正又何疑哉然則周正非春而謂之春何也謂周以子月爲春則四時亦惟王者所改是春秋所書直當日王春正月不必先春而後王矣若如文定之說謂孔子以夏時冠周王則是周王本非春而孔子強冠以春不惟違王且違天矣夫子豈其然哉日子月非春而自可以謂之春也一陽而旣復矣長日而初至矣故子月可謂之春猶人於半夜而興亦自可謂之晨也後天之易震居正東人之事也先天之易震居東北地逢雷而爲復天之道也人統天統此之謂也是故夏舉其中周原其

始夏以四立爲時之始以分至爲時之中周以四立當時之中以分至爲時之判則迎一陽之復而謂之春是亦一理也豈周王之改冬爲春亦豈孔子之強用夏時冠周月哉以記事之體言之則歲首正月而首紀之曰冬於言自有不順於一歲之末又復有冬於文亦複而不安則以王正屬之春又固宜然而可不改若秦之建亥則無時矣書冬不可書春不可於後而隱之六年書秋七月桓之九年書故止書十月也夏四月桓之元年書冬十月無事而以月繫之時亦正以見凡書春之非必建寅書夏之非必建巳書秋之非必建申書冬之非必建亥而先時以命之時固春秋首事之例

周之舊章要之則時非其正也此孔子之論爲邦所以有
夏時之志也夫 朱子曰文定說春秋謂夫子以夏時冠
月以周正紀事謂如公卽位依舊是十一月只是孔子改
正作春正月某便不敢信恁地時二百四十二年夫子只
證得箇行夏之時四箇字據今周禮有正月有正歲則周
實是元改作春正月夫子所謂行夏之時只是爲他不順
欲改從建寅如孟子說七八月之間旱這斷然是五六月
十一月徒枉成十二月輿梁成這分明是九月十月若真
是十一月十二月時寒自過了何用更造橋梁或問南人
憂夏旱北
人憂秋旱北方陸種需雨正在七八月朱子生於南方未
識北方風氣也余曰是則然矣然北人畏春寒不畏冬寒

也曰何謂也曰孟子教人於十一月十二月下水起造橋
梁是不畏冬寒也造得橋梁成時春正二月免得過水是
畏春寒也其不然乎夏令曰九月除道十月成梁周正十
一月十二月正是夏之九月十月故孟子云然也六月九
陽是以多旱豈北方之旱熱獨不在六月乎旱皆可憂南
人又曷常不畏秋旱也漢唐北宋都皆在北史冊所書旱
多在夏未聞其獨畏秋旱也